



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

CJ
2929
.A66
R88

A 399381





UNIVERSITY of MICHIGAN
GENERAL LIBRARY
TAVIA WILLIAMS BATES
BEQUEST







DE
NUMMIS
PATRIARCHARUM
AQUILEIENSIVM.

7

1

Robeis, Bernardo Maria de

D E
N U M M I S
PATRIARCHARUM
AQUILEJENSIIUM
DISSERTATIO.



VENETIIS

MDCCXLVII.

Typis JO. BAPTISTÆ PASQUALI.

SUPERIORUM PERMISSU.

CJ

2925

AGG

R88

Bates,
De Cressio
6-18-1925
9194

CJ

2617

R894

Eminentiss. ac Reverendiss.

**DANIELI CARDIN. DELPHINO
PATRIARCHÆ AQUILEJENSI**

F. BERNARDUS M. de RUBEIS Ordinis Prædicat.

Libellum de nummis Patriarcharum Aquilejensium , tametsi modicum & exiguum mole , atque argumento ipso vulgarem exilemque , Te vero , Princeps Eminentissime , tuaque dignitate minus

fortasse dignum, quamobrem ut No-
mini tuo, Te annuente, nuncupa-
~~tionem~~ in lucem preferrem, vehemen-
ter optaverim, rationes me plures
impulerunt. Pro tua erga litteras
optima voluntate, non modo ere-
ctam publicæ utilitati Bibliothecam,
Præcessoris Dionysii Patruī consilia se-
quutus, augere pergis atque ampli-
ficare: verum etiam tuo ductus con-
silio, in antiquis Ecclesiæ tuæ mo-
numentis undique conquisitis diligen-
tissime colligendis, nulli parcens la-
bori & sumptui, eam cogitationem
& curam adhibes, ut & per amplum
Tabularium jam e solo excitatum,
aptissimoque ordine constitutum egre-
gia monumentorum supellectile in-
strueris; ditissimumque Musæum
comparaveris, quod præter alia;
omnes forme majores, minoresque
Aquilejensium Patriarcharum jussu cu-
fos

ſos argenteos nummos complectitur. Ex iſto quum typi prodeant, quos opusculum hoc noſtrum exhibet, perita ac fida manu delineatos, nec minori diligentia impreſſos, annon Tibi quod tuum utique eſt, reddendum fuerat? Patriarchali honore præſtans, Metropolitanam moderaris Eccleſiam, quam origine claram, finibus longe lateque patentibus ampliſſimam, præclariffimis Præſulum geſtis apprime nobilem, juribus & prærogativis inſignem, edito paucis ab hinc annis pro virili parte Commentario inluſtrare ſtudui, reſeratis benevolentia atque imperio tuo Tabulariis, unde poſtremæ ætatis, atque ævi medii, & ſi qua forent vetuſtiora monumenta depromerem. Annon tibi ergo Diſſertationem, quæ rem monetariam Aquilejenſem, inſigne tuis Præceſſoribus conceſſum de-

cus, versat ac exponit, sisterem & nuncuparem? Nativo splendori, quo fulges, & Familiæ Delphinæ, ex qua progenitus es, & Ecclesiæ quam scite sanctissimeque regis, accedit amplissimum Sacræ Purpuræ ornamentum, quod Tibi abs justissimo meritum judice & retributore Benedicto XIV. Maximo atque Optimo Pontifice conlatum gratulati nuper sumus, & adhuc effuso lætitiæ sensu gratulamur. Quidni porro in hac tanta pro nupera ista tua dignitate bonorum omnium communi acclamatione præstari munusculum a me potuerit, vel etiam debuerit, quod singularis observantiæ & obsequii erga Te mei quaecumque testimonium foret? tot itaque nominibus dubio procul jam tuum, quod Tibi sisto, Princeps Eminentissime, levidense licet munus, ut benevole

ex-

excipias, oro: idemque benevolencia tua auctum, atque ornatum, te ipso, aliqua saltem ex parte, dignum reddas. Vale, & studia nostra, quæ in Ecclesiæ tuæ rebus illustrandis impendimus, humanitate tua complectere, tuo patrocinio tuere.



Ad

Ad Lectorem benevolum .

IN Ecclesiæ Aquilejensis Monumen-
tis, inter Poponis Patriarchæ præ-
clara gesta, factam illi a Conrado Im-
peratore hujus nominis primo, Germa-
niæ Rege secundo, Monetam cudendi
facultatem, Regio diplomate descripto,
recensuimus ; ibique Diplomatis tenor
pro modulo nostro expositus vindicatus-
que, ætæque paucis, quantum insti-
tuto satis erat, de nummis Patriarcha-
rum, cæcis & arbitrariis, majoribus,
& parvulis, quibus illi constabant, eo-
rumque valore. Præ manibus erant Ta-
bulæ duæ, jussu Nicolai & Ludovici
Turriani Patriarcharum confectæ, quæ
initas cum Monetario conventiones com-
plectuntur, signandæque Monetæ argen-
teæ pondus exhibent, & notam, & exa-
men. Sibillæ foliis obscuriores, candi-
do fateor animo, mihi tunc videbantur
illæ, tamen lectæ, relectæque, & acurio-

re mentis attentione semel atque iterum ac saepius ad examen revocata . Consilium ergo incidit, inseditque, ut easdem inter insignis Metropolitanae Patriarchalis Ecclesiae monumenta, quae vulgabam aptis commentariolis illustrata, prorsus praeirerem: suppressasque vellem, donec splendidior mihi lux afflueret, quae difficultatum tenebras omnes dispelleret, fugaretque. Pro data occasione Tabulas easdem, cum venirent sub oculos, diligentius excutiebam: cum rei nummariae peritis, atque cum ipsis Monetariis dubia conferebam, quae menti obversabantur, ut germanum & vocum & sententiarum, (si quidem alii probe intelligerent,) sensum perciperem: varieque subductis ratiociniis, modo hanc, modo illam veluti aptissimam sequebar methodum, qua postea me falli, minimeque duci quo eundum erat, certo noveram. Factum denique, ut silice frequentius pertinaciusque excusso, ignis (ut puto) prosilierit, quem optabam; veramque Monetæ in officina Aquilejensi

jensi cudendæ rationem ex dubiis obscurisque vocibus, implicatisque loquendi modis, quibus ipsæ Tabulæ memoratæ scatent, ni mea me fallat opinio, elicuerim. Laborem nostrum, qualiscumque ille sit, Forojuliensium Antiquitatum cupidis, aliisque benevolis offero lectoribus: corrigere paratus, si quæ in argumento implexo errata sunt: ac meliora sequi gestiens, si quæ alius quisque in re nummaria peritior noverit, ad docuerit. Vale.



INDEX

CAPITUM.



CAPUT I.

T*Abulæ duæ , altera Nicolai Patriarchæ , altera Ludovici successoris , quæ initas de cudenda Aquilejensi moneta conventiones continent . Monetam eandem cudendijus in alios quandoque translatum pro annua pecunia pensione.* pag. 1

CAPUT II.

Facultas Poponi Patriarchæ facta a Conrado Imperatore primo , nummos argenteos cudendi , Veronensis monetæ denariis pares , vel meliores . Denarios majores , quatuordecim parvulis constantes , cudebat officina Aquilejensis , ipsosque parvulos : qui Veronenses vocabantur . Diplomatis a Conrado dati sensus exponitur. 12

C A P U T III.

Communis in Aquilejensi provincia etiam solidorum usus, qui duodecim parvulis nummis constabant. An eos cuderet Monetaria Aquilejensis Officina? Videntur nummi fuisse, in officina: Marcæ Veronensis, & alibi cusi, signatique. Quid solidus Furlanus, & Aquilejensis, & usualis? 26

C A P U T IV.

Frisachenses nummi, & Frexachenses, Frixachi, vel etiam Frikerii. Idem omnino cum denariis Aquilejensibus parvulorum quatuordecim. Cur eo nomine appellati? 39

C A P U T V.

Denariorum Aquilejensium communis valor, itemque solidorum in Provincia. Extraordinarius aliquando, & excedens. Communis comparatus cum hodiernæ Monetæ Venetæ solidis. Idemque cum mercium quantitate, quæ vendebantur & emebantur.

C A P U T VI.

Mareæ, nummus arbitrarius. Alia denariorum Aquilejensium, alia solidorum : ac utraque centum & sexaginta nummis conflata. Præter hanc communem Marcæ, alia ad usum Curie dicebatur : cujus valor inquiritur.

57

C A P U T VII.

Ferto, sive Forto, nummus itidem arbitrarius, & quarta pars Marcæ. Libra denariorum, & libra solidorum. Marcæ hodiernæ valor.

66

C A P U T VIII.

Inite conventiones declarantur de cudenda moneta Aquilejensi : ac primo Marca seu Marcus, pondus octo unciarum. Ex una Marca conficiebantur denarii ducenti quadraginta & octo. Quatuor filiquas, vulgo Carati, singulorum pondus excedebat. Hæc nempe ad ætatem spectant Nicolai Patriarchæ, & Ludovici Successoris. Adhibiti argenti nota expenditur.

71

CA-

C A P U T IX.

*Marcus adhibitus in cusione parvæ monete octo
pariter uncias ponderabat Singulorum de-
nariorum parvorum pondus, & nota ar-
genti, ex quo illi conficiebantur, explora-
tur. De lucro agitur, quod Patriarcha ob-
veniebat, & Monetario.* 85

C A P U T X.

*Series denariorum Aquilejensium, cum typis,
& inscriptionibus. Animadversiones. Mo-
netaria officina loca.* 90

DE NUMMIS
PATRIARCHARUM
AQUILEJENSIIUM
DISSERTATIO.



C A P U T I.

Tabulae duæ, altera Nicolai Patriarchæ, altera Ludovici successoris, quæ initas de cudenda Aquilejensi moneta conventiones continent. Monetam eandem cudendi jus in alios quandoque translatum pro annua pecuniæ pensione.

I. **D**E nummis Patriarcharum Aquilejensium, cufis, & non cufis seu arbitrariis, eorumque varietate, pondere, nota, & absoluto comparatoque valore dicturus, Tabulas ego in antecessum profero duas, Nicolai Patriarchæ alteram, & alteram Ludovici successoris, quibus initæ cum Monetariis conventiones de moneta Aquilejensi cudenda exhibentur. Priores accipe ex vetusto apographo desumptas.

A

„ An.

„ Anno Dominicæ Nativitatis Milleſi-
 „ mo Tercentefimo quinquageſimo ſexto ,
 „ indiſtione nona, die decima-oſtava Men-
 „ ſis Octobris : præſentibus Venerabilibus
 „ & ſapientibus viris Dominis, Fratre Gui-
 „ done Abbate Monafterii Moſacenſis, Cy-
 „ no de Caſtellione Jurisperito, Joanne de
 „ Monticulis Vicario in Temporalibus, ac
 „ Paulino q. Magiſtri Joannis de Mutina
 „ Cancellario Domini Patriarchæ inſcrip-
 „ pti, teſtibus ad hæc vocatis. Reveren-
 „ diſſimus in Chriſto Pater, & Dominus
 „ D. Nicolaus Dei gratia Sanctæ ſedis Aqi-
 „ legenſis Patriarcha, juxta morem Præ-
 „ deceſſorum ſuorum, ad fabricationem &
 „ conſtructionem novæ Monetæ Aquile-
 „ genſis ſub ejus nomine intendens : con-
 „ ſiſuſque de probitate & fidelitate diſcre-
 „ ti & providi Viri Franciſci Bonaquiſti
 „ de Florentia commorantis in Venzono,
 „ de cujus induſtria & fidelitate laudabile
 „ teſtimonium intellexit : ipſum Franci-
 „ ſcum ſuper hujusmodi moneta cudenda
 „ & facienda Magiſtrum conſtituit & offi-
 „ cialem ſuum ; itaquod dictam monetam
 „ cudere debeat, & cudi facere legaliter
 „ & prudenter, cum modis & conditioni-
 „ bus inſcriptis. Videlicet imprimis :
 „ quod ipſe Franciſcus debeat facere, ſeu
 „ fieri facere in Civitate Aquilegiæ, &
 „ ali-

PATRIARCHARUM AQUILEJENS. 3

„ alibi, ubicumque placuerit dicto Domi-
 „ no Patriarchæ, monetam huiusmodi bo-
 „ nam & puram, videlicet de unciiis qua-
 „ tuor argenti Venetorum grossorum, &
 „ tribus quarteriis pro quolibet Marcho :
 „ de qua moneta debeant viginti solidi, &
 „ octo denarii Aquilegenses ponderare mar-
 „ chum unum : & de ipsa moneta non pos-
 „ sit expendere, nisi de quacumque scos-
 „ sa prius fiat saziū in pondere, & in
 „ igne : quod saziū debet esse de uno
 „ marchō in pondere, & de uno quarterio
 „ uncie in igne. Debent enim pondere vi-
 „ ginti solidi, & octo denarii facere mar-
 „ chum unum : quod si essent denarii qua-
 „ tuor magis, vel quatuor minus, appro-
 „ bentur boni denarii : si vero fuerint
 „ quatuor plus, teneatur in sequenti scos-
 „ sa eos facere de quatuor minus, & e
 „ converso. Quod si aliter reperiatur mo-
 „ neta, quæ facta fuerit extra talem for-
 „ mam, iterato debeat in ignem mitti,
 „ & iterum fundi & meliorari. Item quod
 „ idem Franciscus debeat facere, seu fie-
 „ ri facere saziū in igne de uno quar-
 „ terio uncie, quod est grana centum qua-
 „ draginta quatuor : & debet reddere pro
 „ quarterio de argento fino grana octua-
 „ ginta duo, & dimidium. Ita tamen quod
 „ si reddiderit de granis octuaginta & di-

„ midio, debeant approbari boni denarii
„ & dictus Franciscus non teneatur ad re-
„ stitutionem aliquam hujusmodi duorum
„ granorum deficientium . Et si reddide-
„ rit de minori, quam octuaginta granis
„ & dimidio, tunc debeat dicta moneta
„ iterato in ignem mitti, & meliorari.

„ Et quod dictus Dominus Patriarcha
„ teneatur deputare certos homines, qui
„ intersint ad requisitionem dicti Fran-
„ cisci, quando fiet fazium de dicta mo-
„ neta : & cum fuerit approbata per ip-
„ sos Deputatos, idem Franciscus sit libe-
„ ra præfato Domino Patriarcha, & a quo-
„ cumque ejus officiali, de hujusmodi mo-
„ neta cusa, & approbata . Et teneatur
„ ipse Franciscus dare eidem Domino Pa-
„ triarchæ pro quolibet marchæ denario
„ novem dictæ Aquilegensis monetæ, sol-
„ vendos ipsi Domino Patriarchæ de tri-
„ bus in tribus Mensibus, incipiendo in pri-
„ ma cusione dictæ monetæ .

„ Item quod dictus Franciscus possit cu-
„ dere usque ad mille marchos monetæ par-
„ væ : ita quod quodlibet marchum pon-
„ deret uncia una argenti Veneti ; & sin-
„ guli in pondere pro quolibet marchæ solidi
„ sexaginta sex . Quod si essent duodecim
„ denariis parvulis minus, vel duodecim
„ plus, approbentur boni denarii : si vero

„ duo

PATRIARCHARUM AQUILEJENS. 5

„ duodecim magis , teneatur in sequenti
„ scossa eos facere de duodecim minus , &
„ e converso . Et si aliter reperiretur mo-
„ neta , quæ facta fuerit contra talem for-
„ mam , iterato debeat in ignem mitti , &
„ iterum fundi & meliorari . Et fiet lazium
„ in igne de dimidio quarterio unius unciz
„ de granis septuaginta duobus : & debeat
„ reddere de argento fino grana octo , &
„ duos tertios . Et cum fuerit approbata
„ per dictum Dominum Patriarcham , vel
„ Deputatos ab eo , dictus Franciscus sit
„ liber & immunis de dicta moneta appro-
„ bata ab ipso Domino Patriarcha , & ejus
„ quocumque officiali . Et teneatur (a) pro
„ quolibet marchio eidem Domino Patriar-
„ chæ dare solidos duos parvulorum .

„ Item quod præfatus Dominus Patriar-
„ cha deputet unum custodem , sive super-
„ stitem , qui stet continue cum Magistris
„ ipsius monetæ , ad videndum cudere eam :
„ & teneat unam clavim , & dictus Fran-
„ ciscus aliam loci seu cassellæ , ubi stabunt
„ ferramenta pro cusione dictæ monetæ ,
„ & denarii monetati , quousque fuerit sa-
„ zium factum de dicta moneta : & tenea-
„ tur

A 3 tur

(a) In Tab. Ludovici Turriani : *Et non teneatur aliquid dare pro hujusmodi parva moneta ipsi Domino Patriarchæ.*

„ tur ipse Dominus Patriarcha dictum cu-
„ stodem seu superstitem salariare, & præ-
„ dictus Franciscus eidem facere expensas,
„ Quodque teneatur idem Dominus Pa-
„ triarcha facere proclamari ad omnem re-
„ quisitionem dicti Francisci, quod prædi-
„ cti denarii recipiantur in quolibet foro
„ & cambio per quemcumque, pro qua-
„ tuordecim denariis parvulis quilibet: &
„ hoc sub pœna unius marchæ in non pa-
„ rentes, cujus pœnæ tertia pars Cameræ
„ Domini Patriarchæ applicetur, alia di-
„ cto Francisco, & reliqua tertia pars ac-
„ cusatori: & quod omnes officiales dicti
„ Domini Patriarchæ teneantur sic facere
„ observari. Et in qualibet solutione cu-
„ juscumque mercationis, vel debiti te-
„ neatur quilibet recipere usque ad sum-
„ mam decem solidorum denariorum par-
„ vorum; & hoc sub pœna prædicta.

„ Item quod prædictus Dominus Patriar-
„ cha teneatur præfato Francisco præstare
„ domum pro eo, & ipsius familia, in qua
„ moneta cudatur & fiat, & ipse cum
„ ejus familia valeat habitare. Item quod
„ ipse Dominus Patriarcha teneatur secu-
„ rare, & securum facere dictum Franci-
„ scum, & omnes de ejus familia per to-
„ tum districtum: ita quod ipsi possint se-
„ cure cum argento, moneta, & suis mer-
„ catio-

„ cationibus ire per omnes dicti Domini Pa-
 „ triarchæ civitates & loca, stare etiam,
 „ & redire absque alio damno. Quod si
 „ contigerit, teneatur idem Dominus Pa-
 „ triarcha restituere de sua Camera, si ali-
 „ ter ablata recuperari non possent; dum
 „ tamen ipse Franciscus, seu familiares sui
 „ a dicto Domino Patriarcha licentiam po-
 „ stulent, seu a Vicario suo, vel aliis quos
 „ super hoc duxerit deputandos. Item te-
 „ neatur dictus Dominus Patriarcha face-
 „ re proclamari publice per totum distri-
 „ ctum suum, quod nullus audeat extrahe-
 „ re argentum, sive Bolsonum de dicto di-
 „ strictu: & hoc sub pœna argenti & bol-
 „ soni; cujus pœnæ tertia pars Cameræ
 „ dicti Domini Patriarchæ, & alia dicto
 „ Francisco, & reliqua accusatori applicetur:
 „ & quod quilibet portans argen-
 „ tum, sive bolsonum prædicto Francisco,
 „ vel ad suam fabricam, possit libere ire,
 „ stare, & redire per totum districtum ejus-
 „ dem Domini Patriarchæ, cum personis
 „ & rebus suis, tute, & absque eo quod mo-
 „ lestari possit occasione aliquarum repres-
 „ saliarum, vel aliarum causarum; dum-
 „ modo non sint rebelles, & inimici dicti
 „ Domini Patriarchæ, & Ecclesiæ Aquile-
 „ gensis. Item quod dictus Franciscus possit
 „ & debeat cudere, & cudi facere prædictam

„ monetam hinc ad unum annum proxi-
„ mum, integrum & completum, hodie in-
„ choandum.

„ Quæ quidem pacta, omnia & singula,
„ præfatus Dominus Patriarcha pro se &
„ Ecclesia Aquilegenſi, & dictus Franci-
„ ſcus pro ſe, jurans etiam ad ſancta Dei
„ Evangelia, rata, grata, & firma, ſo-
„ lemni hinc inde ſtipulatione intervenien-
„ te, habere, adimplere, & inviolabiliter
„ obſervare promiſit, ſub pœna mille mar-
„ charum Aquilegenſis monetæ: quæ pœ-
„ na exigi poſſit, ac debeat cum effectu
„ per partem obſervantem a parte non ob-
„ ſervante totiens, quotiens contra venire-
„ tur, vel fieret: & pœna ſoluta, vel non,
„ præſens nihilominus contractus obtineat
„ plenum robur. Obligantes ſibi viciffim,
„ unus alteri, videlicet dictus Dominus Pa-
„ triarcha eidem Franciſco omnia bona
„ ſua, & ſuæ Aquilegenſis Eccleſiæ; & ipſe
„ Franciſcus ei omnia bona ſua, mobilia &
„ immobilia, præſentia & futura. Renuncian-
„ tes omni legis, & conſuetudinis, ac juris
„ tam canonici, quam civilis auxilio, per
„ quod poſſent contra prædicta ſe defende-
„ re, vel tueri. In quorum omnium testi-
„ monium prædictus Dominus Patriarcha
„ mandavit, præſens instrumentum confici
„ per me Notarium infraſcriptum, & ſui
figilli

„ sigilli appensione muniri. Actum Utini
 „ in Palatio Patriarchali....

Similes ævo superiore Tabulas confectas,
 quæ perierunt, vel in forulis archivorum
 latent, nullus dubito. Similes vero post
 elapsam triennium, Ludovici Turriani ius-
 su scriptæ, præsto sunt: quæ ejusdem Fran-
 cisci opera in cudenda moneta Aquilejen-
 si, initis eisdem conventionibus, comparatur.
 Priora verba sunt hæc: “ In christi
 „ nomine Amen. Anno Nativitatis ejus-
 „ dem M.CCC.LIX. Indictione duodeci-
 „ ma, die decimanona Mensis Octobris:
 „ præsentibus Nobilibus & circumspectis
 „ Viris Dominis, Carlevario, & Castrono-
 „ dicto Panceria, de la Turre, Joanne de
 „ Monticulis Jurisutriusque perito Vicario
 „ in Temporalibus infra scripti Domini Pa-
 „ triarchæ, & aliis. Reverendissimus in
 „ Christo Pater & Dominus D. Ludovicus
 „ Dei gratia Sanctæ Sedis Aquilegensis Pa-
 „ triarcha, juxta morem suorum Prædeces-
 „ sorum Patriarcharum, ad fabricationem
 „ & constructionem novæ Monetæ Aquile-
 „ gensis sub nomine ejus diligenter inten-
 „ dens; confususque de probitate, indu-
 „ stria, & fidelitate discreti & providi Viri
 „ Francisci Bonaquisti de Florentia, com-
 „ morantis in Venzono, de quibus eidem
 „ Domino Patriarchæ testimonium lauda-
 „ bile

„ bile perhibetur: eundem Franciscum su-
 „ per hujusmodi moneta cudenda & facien-
 „ da Magistrum constituit, & officialem
 „ suum, ita quod dictam monetam cudere
 „ debeat, & cudi facere legaliter ac fideli-
 „ ter, cum pactis, modis, & conditioni-
 „ bus infra scriptis. In primis videlicet,
 „ (*ut in superioribus Nicolai Patriarchæ ta-*
 „ *bulis.*) Actum in Castro Utini in Came-
 „ ra prædicti Domini Patriarchæ. Ego Pau-
 „ lus q. Magistri Joannis de Mutina publi-
 „ cus sacræ Imperialis aulæ Notarius, &
 „ prædicti Domini Patriarchæ scriba præ-
 „ dictis interfui, & ea de mandato ejus-
 „ dem Domini Patriarchæ scripsi, & pu-
 „ blicavi rogatus. „

Joannis de Monticulis, in jure peritissimi,
 qui in utrisque allatis Tabulis testis voca-
 tus comparet, elogium texit Josephus Ca-
 podalius in sua Utini Civitate illustrata;
 eodemque in loco *Gini de Castellione*, qui
 prioribus in Tabulis testis adest, vicaria in
 Civitatibus Tridenti, Belluni, Feltriae,
 Ludovici Bavari Imperatoris nomine, po-
 testate perfuncti, mentionem ingerit: ejus-
 que præfecturam ad annum 1340. refert Pi-
 lonus in Historiæ Bellunensis libro quarto.
 Apud eundem Capodaliū laudes prostant
Garlevarii, e gente Turriana viri celeberrimi:
 ad ipsamque spectabat *Castellione*, aut

PATRIARCHARUM AQUILEJENS. 11

Gastrenus, ab eo, qui eodem vocatus nomine Sedem Aquilejensem Patriarchalem rexit, diversus.

II. Neque solum Monetariorum opera ad cudendam in Provincia monetam utebantur Patriarchæ: factum etiam quandoque, ut extra Provinciam signarentur nummi Aquilejenses, ipso jure ad tempus pro certa pecuniarum singulis annis solvenda summa in alios translato, Alexandri IV. Summi Pontificis litteræ ad Gregorium de Montelongo datæ rem patefaciunt. " Alexander Papa IIII.

" G. Aquilegenſi electo. Sicut petitio tua
" nobis expoſita continet: jus cudendi monetam, quod ad te in Patriarchatu Aquilegenſi pertinet, Matthæo dicto Tervifin,
" Johanni & Marino Zorzani, & Nicolao Venerio, civibus Venetiarum, usque ad
" duos annos, de consensu Aquilegenſis Capituli, concessisti pro certa pecuniæ
" quantitate, prout in Instrumento publico confecto, exinde tuo & ipsius Capituli
" sigillis signato plenius dicitur contineri.
" Nos itaque tuis supplicationibus inclinanti, quod super hoc provide factum est,
" ratum & gratum habentes, id auctoritate Apostolica confirmamus, & præſentis
" scripti patrocínio communimus. Nulli
" ergo nostræ confirmationis Datum Neapoli V. Nonas Maii anno primo;

(212.

(æræ vulgaris 1255.) Quo scilicet anno , ac Mense Majo , dieque tertia , nondum Neapoli , ubi electus fuit , discesserat Pontifex . Similem juris monetam Aquilejensem cudendi translationem non hac vice tantum , sed alias , ac superiore tempore , a Patriarchis factam , conjectaverim ego : conjecturæque argumenta inferius dabo .



C A P U T II.

Facultas Poponi Patriarchæ facta a Conrado Imperatore primo , nummos argenteos cudendi , Veronensis monetæ denariis pares , vel meliores . Denarios majores , quatuordecim parvulis constantes , cudebat officina Aquilejensis , ipsosque parvulos : qui Veronenses vocabantur . Diplomatis a Conrado dati sensus exponitur .

I. **M**ONETÆ nostræ Aquilejensis conditionem rationemque diligentiore indagine ut exploremus , verba referenda sunt Diplomatis , quo Conradus Rex Germaniæ , hujus nominis secundus , & Imperator primus , anno 1028. fecit Poponi Patriar-

triarchæ percutiendæ monetæ facultatem.
 „ Conradus Dei gratia Romanorum Augu-
 „ stus. Ex nostrorum antecessorum consti-
 „ tuto didicimus, nostri esse juris, sanctæ
 „ Matris Ecclesiæ res pro viribus augere,
 „ & auctas pacificare. Quapropter volu-
 „ mus & optamus, ut notum sit omnibus
 „ Sanctæ Dei Ecclesiæ utrisque fidelibus:
 „ quomodo nos, interventu nostræ dilectæ
 „ jugalis Gislæ, & Henrici Regis dilectis-
 „ simi nostri filii, necnon & Arabonis Mo-
 „ guntiensis Archiepiscopi, & dilecti nostri
 „ Brunonis nepotis Cancellarii, atque A-
 „ dalberonis Ducis, donamus, atque no-
 „ stra imperiali potestate concedimus, pro-
 „ ut juste & legaliter possumus, Sanctæ
 „ Aquilegenſi Ecclesiæ, & Poponi Patriar-
 „ chæ, qui ibidem Domino videtur deser-
 „ vire, licentiam Monetam publicam in-
 „ fra Civitatem Aquilejæ faciendi. Igitur
 „ denarios ipsius Monetæ ex puro argento
 „ firmiter præcipimus fieri, & Veronenſis
 „ monetæ denariis æquiparari, nisi præno-
 „ minatus Patriarcha sua spontanea volun-
 „ tate velit meliorare. Habeantque licen-
 „ tiam omnes Regni nostri negotiatores,
 „ in qualibet venali merce ipsos denarios
 „ accipere, si tamen fuerint simplices falsi-
 „ tate. Quod ut verius credatur, & ab
 „ omnibus diligentius observetur, hanc no-
 stræ

„ stræ concessionis paginam inde scriptam
 „ manu propria roborantes, sigilli nostri
 „ impressione jussimus insigniri. Signum
 „ Conradi invictissimi Romanorum Impe-
 „ ratoris Augusti. Bruno Cancellarius Sa-
 „ cri Palatii vice Arabonis Archiepiscopi
 „ & Archicancellarii recognovi. Data an-
 „ no Dominicæ Incarnationis MXXVIII.
 „ Indictione XI. III. idus Septembris, an-
 „ no Conradi Regnantis quarto, Imperii
 „ vero secundo, ejusdemque Imperatoris
 „ filii Henrici Regis anno primo. Actum
 „ Immideshirton feliciter. „

Diploma non vidit Doctissimus Murato-
 rius, qui inter Dissertationes Italicas Me-
 dii ævi Dissert. XXVII. *de Moneta*, verbo
Aquileja, sic habet: *Post ejus (Aquilejæ) miserabile excidium, nullum ibi per multa se-
 cula vestigium officinæ Monetariæ fuit. Pa-
 triarchis demum Aquilejensibus, utpote qui
 amplissimæ regioni dominabantur, collata est
 eadem prærogativa a Friderico II. Augusto.
 An autem argentum Patriarchæ signarint, igno-
 tum mihi est: saltem ab eo tempore argentei
 nummi visuntur ad eorum nutum cusi.* An di-
 ploma dederit Fridericus II. quo fieret Vol-
 chero Patriarchæ, cujus nummi ac succes-
 sorum servantur in Musæis, argentum si-
 gnandi facultas, incertum mihi: col-
 latam vero hæc Poponi prærogativam a
 Con-

Conrado Rege secundo, Imperatore hujus nominis primo, nullus ego dubitaverim. Hac de re plura differuimus in Monumentis Ecclesiæ Aquilejensis Capite LIV. n. V. Quæ sequuntur, rursus accipe, non pauca, nec inutilia.

Vitia quidem, Librariorum oscitantia, irrepererunt aliqua in apographum, quod superius descriptum est: cætera sibi constant omnia: *Conradus* dicitur *Dei gratia Romanorum Augustus*: at legendum genuina diplomata jubent, *Cunradus*, vel *Cbuonradus divina favente clementia*, vel *gratia Romanorum Imperator Augustus*. Frequentius *interventu dilectæ jugalis*, seu *consortis Gisle* exhibent sincera alia: sed *Imperatricis* titulum addunt, utpote quæ nomen istud & consecrationem Romæ cum viro suo Conrado acceperit anno 1027. die sancto Paschæ, 26. Martii. Poponi faver, proque eo intervenit *Henricus Rex dilectissimus filius*, ut alia quoque diplomata produnt: quem scilicet undecim annos natum Conradus pater in regalem apicem anno 1028. in Paschate die 14. Aprilis, apud Aquisgranum palatium sublimari fecerat. Preces addunt *Moguntinus Archiepiscopus*, & *Bruno Cancellarius*: quod in aliis ejusdem Conradi diplomatibus frequentius observare contingit. *Adalbero* demum *Dux* adest: ille nempe,

pe, qui Carinthiæ Ducatum administrabat, diffidia fovit cum Popone Patriarcha, ac pacem iniit anno 1027. Consule laudata Monumenta Ecclesiæ Aquilejensis Capite LIV. num. II. & III.

Illa verba, *signum Conradi invictissimi Romanorum Imperatoris Augusti*, sincera ac genuina sunt: ac unus fortasse deest Domini titulus. *Archicancellarius* occurrit *Arabo*, vel potius *Aribo*, Archiepiscopus Moguntinus: sunt vero diplomata, in quibus *Archiepiscopus* duntaxat appellatur, & *Archicancellarius*: alia prostant, quæ addunt *Moguntinum*. Frequentius *Bruno Cancellarius* dictus legitur: sed *Brunonem* etiam *Sacri Palatii Cancellarium*, raro licet tum temporis stylo, in Diplomatis occurrere, animadvertit Abbas Gottvvicensis in Prodro-mo ad Chronicon Gottvvicense, diplomate in exemplum adducto, quod in Bullarii Cassinensis Tomo II. habetur. Diploma addo ego, quod Ughellus recenset in Episcopis Novariensibus. Quis fuerit *Bruno* iste, ignorare se fatetur Doctissimus idem Abbas Gottvvicensis: an lucem aliquam afferat diploma nostrum, quod ipsum exhibet Conradi Regis & Imperatoris *nepotem*? Hunc vero jam ab anno 1028. fungi munere succepisse, Diplomata docent. Recensitum ab Ughello in Episcopis Novariensibus affero;

Bru-

Bruno Cancell. Sacri Palatii vice Arribonis Archiep. & Archicancell. recognovit. Dat. anno Dominicæ Incarnationis 1028. anno vero Regni Conradi 4. Imperii autem 2. ejusdem Imperatoris filii Henrici primo, indictione 11. Actum in Palatio Aquisgrani. Mensis desideratur, ac dies ejusdem.

Recognoscentem Brunonem diplomatarum, quæ ad res italicas pertinent, nos ipsa diplomata docent. Cur ergo non agit ipse vices Archiepiscopi Colonienfis, cujus in eisdem rebus italicis munus erat? Difficultatem elidit omnem laudatus Abbas Gottvicensis, qui sapienter animadvertit, Archiepiscopos Moguntinos *italici* quoque *Archicancellariatus* munus, utpote *Archicancellarios universales*, frequentius obiisse: quod plurimum diplomatum exemplis evincit.

Diploma *datum*, ac *data* diplomatis concessio, ut in nostro legitur, perinde se habent: ac utriusque formulæ præsto cuique sunt exempla. Ad chronologiam demum quod attinet, eadem est ac in diplomate superius memorato ad Petrum Novariensem Episcopum: Mensis tamen additur *Septembris*, ac dies *tertia ante idus*, seu dies undecima ejusdem Mensis. *Conradi Imperatoris, & Henrici filii Regis* anni, scilicet *secundus, & primus*, optime coherent cum anno vulgaris ætæ 1028. & undecima indictione.

Locum etiam haberet indictio XII. a Kalendis Septembris incepta. At regnum ipse Conradus anno 1024. 6. idus Septembris, seu die octava, auspiciatus fuerat: unde die 3. idus Septembris, seu die undecima, anno 1028. jam cœperat quintus Conradi regnantis annus. Aut ergo in Diplomate nostro, annus regni *quintus*, non *quartus* legebatur: aut tribus tantum illis diebus, qui supra completum quartum Regni annum excurrebant, non computatis, quartum annum regnantis Conradi numeraverit minus attentus Cancellarius. Locus denique *Immidesbirton* nondum mihi notus.

Conlata si fuerit, inquires, Poponi Patriarchæ argentum signandi facultas, cur Aquilejenses cufos nummos videre non liceat ante Volcherum, qui anno 1204. in Sedem Patriarchalem conscendit? Argentum servant Musæa nummum, cujus pars una sedentem Episcopum exhibet, manu dextera pedum Episcopale, librum sinistra tenentem, cum epigraphe circum inscripta, A Q/ L E G I A P. visiturque parte in altera ædificium arcubus quatuor superstructum cum duabus turribus, ac media inter illas Crux. (Vide Tabulam I. n. 1.) An sigla illa P. significet *Poponem*, vel *Peregrinum* primum, vel alterum; an potius universam *Patriarcham*, non ita facile dixerim.

PATRIARCHARUM AQUILEJENS. 19

xerim. Satis mihi fuerit, si animadvertet-
 ro, nummum prædictum sine dubio Aque-
 lejensem esse, ipsamque cusum signatum-
 que ante Volcherum, pro ea scilicet, quam
 signandi argentum contulit Conradus Im-
 perator facultatem *Poponi Patriarchæ, &
 Sanctæ Aquilejensi Ecclesiæ*. Apud Venetos
 primus Henricus Dandulus, qui Rempubli-
 cam anno 1192. administrare cœpit, no-
 men suum, una littera initiali posita, num-
 mis imposuisse dicitur: ob eamque non ex-
 pressi nominis rationem vix ullos videre li-
 cet certos compertosque Venetorum num-
 mos, quos ævo superiore cusos vetustæ pro-
 dunt chartæ. Quidni hunc imitatus mo-
 rem fuerit Peregrinus 11. qui Aquilejenses
 infulas anno 1195. obtinuit, suumque no-
 men littera initiali P. indicari voluerit in
 nummis? Conjecturis finis esto. Miratio
 porro subeat nulla, nummos istos, quos
 ante Volcherum cuderit Officina moneta-
 ria Aquilejensis, utpote siglis obscuris no-
 tatos, vel etiam Patriarcharum nomine de-
 stitutos, insuper habitos fuisse, ac igne fu-
 sos ut in alios mutarentur, atque deper-
 ditos deletosque: aut si quos adhuc effodi, &
 adinveniri contingat, ob eamdem rationem
 veluti certos Aquilejenses cognosci, & ha-
 beri non posse. Nummum expende in ea-
 dem Tabula L. num. 2. positum. Typus ejus,

& fabricæ ratio haud levem præferunt similitudinem cum superius allato, iplisque cum Volcheri nummis, ut ex eadem omnes prodidisse officina videantur. Rem ego in medio relinquo. Aquilejensium certe explorata series a Volchero incipit, duciturque ad Patriarcharum postremum, Ludovicum Tethium, quam infra dabimus integram.

II. Tum vero qui nummi hujusmodi reperiuntur in Musæis, tum allatæ Nicolai & Ludovici Patriarcharum tabulæ, & vetustæ chartæ innumeræ docent, ac evincunt, cudi in Officina Monetaria Aquilejensi consuevisse nummos majores, minoresque argenteos: ac istos passim appellatos *denarios parvulos*, ac *parvulos* absolute: illosque, *denarios*, & *denarios Aquilejenses*, seu *moneta Aquilejensis*, quatuordecim parvulis constantes: ac parvulos demum frequentius dictos *Veronenses*.

Chartarum certa fide, quæ adsero, luculentissime confirmantur: Ex tabulis in Archivo Forojulienfium Fratrum Predicatorum adservatis, profero verba, quæ sequuntur. Anno 1252. *indictione decima, die nona exunte Septembri.... pro pretio trecentarum librarum Veronensium parvulorum: 1256. indictione quartadecima, die xii. intrante Madio.... pretia & foro trium Marcharum denariorum Aquilejensis Moneta: 1260.*

indictione tertia, die tertio intrante Januario quadraginta sex denarios Aquileg. monetae.

Plurima præstat documenta Archivum insignis Capituli Foro-Julienſis. Quæ ſequuntur accipe. Anno 1214. *denarios Aquil. monetae*. 1216. *Denarios Aquil.* 1234. *pretio unius Marchæ, & duodecim librarum & medietatis denariorum Aquilegenſis monetae*. 1276. *Quingentos & octoginta tres Fortones, viginti unum denarios, & octo Veronenses, ad monetam Aquilegiæ computato denario Aquilegenſi pro quatuordecim Veronenſibus*. 1288. *Marchas denariorum Aquileg.* 1293. *Centum librarum Veronenſium parvulorum.* 1299. *Viginti duorum denariorum Aquilegenſis monetae*. 1377. *Veronenses parvulos viginti tres.*

Autographus liber ſervatur Rationum Reverendiſſimi in Chriſto Patris & Domini Domini Ludovici, Dei gratiæ Sedis Aquilegenſis digniſſimi Patriarchæ, qui nominatus eſt, *Clarum me fac*: quem olim Summa Jo. Joſepi Liruti humanitate commodatum legimus, & expendimus: deque ipſo delibavimus plura, ad argumentum quod illuſtramus aptiſſima. Pauca profero ſic in eo poſita ratiocinia. Anno 1360. *Recepit Dominus Ambroſius de la Torre Theſaurarius a Joanne de Falcis... libras Veronenſium ducentas...* A dicto Domino Phebu-

sine Marchas denariorum Aquilegensium ducentum quatuordecim, denarios quadraginta quinque, pizculos (seu parvulos) decem... A Monfredo familiari Domini Guercellonis super solutione dicte Gastaldie libras parvorum centum quadraginta novem.... A dictis Dominis Pertoldo & Pileo de Murucio libras Veronensium centum. Anno 1361. Recepit Dominus noster Patriarcha a Dominis Pertoldo & Pileo fratribus de Muruccio Marchas denarium centum quadraginta, & denarios quadraginta quinque, pizculos sex. Paria passim occurrunt plurima, quibus in recensendis diutius immorari non vacat.

In ipsis Ludovici Turriani anno 1359. & Nicolai anno 1356. confectis Tabulis, nummos argenteos in officina Monetaria Aquilejensi cufos *denarios Aquilegenses* appellatos, & *denarios* legimus, qui recipi debeant *in quolibet foro & cambio per quemcumque, pro quatuordecim denariis parvulis quilibet*: ipsosque *denarios parvulos*, & *denarios parvos* memoratos habes, qui & *moneta parva* appellantur. *Marcam* in superioribus monumentis cum legis, & *Fortones*; nummum intellige non cufum, neque signatum, sed idealem, & arbitrium. Denariis Aquilejensibus centum & sexaginta constabat *Marcæ*, & quarta pars *Marcæ* erat *Forto*: quæ de re ampliora damus Capite VI. & VII.

III. Iterum sub oculos modo subijcere præstat Diplomatis a Conrado dati verba, ut legitimo ea sensu declarentur. Videlicet: *igitur denarios ipsius monete ex puro argento firmiter præcipimus fieri, & Veronensis monete denariis æquiparari, nisi prænominatus Patriarcha sua spontanea voluntate velis meliorare.* Apud Duçangium in Glossario ad Scriptores mediæ & infimæ latinitatis, vox *denarii* adhibita reperitur, tum pro nummo cuso duodecim numulis constante, quem *Solidum* vocabant: tum pro ipso nummulo, duodecima solidi parte. Factum vero, ut frequentiore usu majores nummi appellarentur *solidi*, ac *denarii* vocarentur minores, quibus illi constabant. Rem certissimam ac perspicuam, quam obviæ Tabulæ apud scriptores, & Archivorum chartæ testantur, amplioribus piget verbis illustrare.

Utroque sensu accipi debent *Denarii* in Diplomate Conradi, tum pro solidis duodecim nummulorum, tum pro nummulo duodecima solidorum parte. Atqui facultas Poponi & Successoribus facta fuit, ut argenteos denarios cuderent, vel *moneta Veronensis denariis æquiparatos*, vel etiam *si velint meliores*. Pro facultate sibi data cudi iusserunt Patriarchæ nummulos argenteos, Veronensibus pares, qui & communi in Provincia vocabulo dicebantur *Veronenses*; item-

que signari nummos fecere, qui *solidis* majores essent, melioresque; cum illi duodecim nummulis, quatuordecim isti constarent. In Tabulis Nicolai & Ludovici de utraque moneta, magna, & parva, cudenta agitur: indiciturque, ut *denarii majores recipiantur in quolibet foro & cambio per quemcumque, pro quatuordecim denariis parvulis quilibet*. Verba illa Tabularum anni 1276. non prætereo, utpote aptissima: nempe, *quingentas & octoginta tres Fortones, viginti unum denarios, & octo Veronenses, ad monetam Aquilejæ computato denario Aquilejensi pro quatuordecim Veronensibus*. Addo litteras Zenobii de Giaceto Monetarii, Antonii Patriarchæ nomine, ad Joannem de Rabata Goritiensem Capitaneum anno 1399. datas, quas integras infra dabo, quibus indicitur: *singulum denarium novæ monetæ Aquilejensis pro quatuordecim parvulis recipi debere, & solidum pro duodecim parvulis*.

Itaque solidos duodecim parvulorum cudebat officina Monetaria Veronensis: nummosque, pariter *solidos* dictos, paris ponderis & valoris, signabant aliarum Civitatum officinæ in Marca Veronensi. Henricus, Conradi filius, potestatem Bernardo Patavino Episcopo fecit, *Monetam faciendi secundum pondus Veronensis Monetæ*. Tabulæ prostant apud Rerum Patavinarum Scriptores,

res, quas pluribus vitiis expurgatas vulgavit demum Doctissimus Joannes Brunatius, de Re Nummaria Patavinorum edita anno 1744. Dissertatione, Capite II. Hinc nummuli in his locis cudebantur, quos *denarius* appellabant, & *parvulus*: simulque majores nummi, dicti *solidi*, duodecim denariis constantes. At majore nummo apud Aquilejenses parte septima aucto, ad quatuordecim usque nummulos, mutata quodammodo fuere nomina apud illos. Nummos argenteos, quatuordecim nummulis constantes, vocabant *denarios*, & *denarios Aquilejenses*: ipsique nummuli, alibi *denarii* dicti, *Veronenses* appellati sunt, & *parvuli*, & *pizzuli*. Nihil dictum; quod jam allata monumenta non confirment amplissime: sed adhuc infra latiore calamo agendum.



CAPUT III.

Communis in Aquilejensi provincia etiam solidorum usus, qui duodecim parvulis nummis constabant. An eos cuderet Monetaria Aquilejensis Officina? Videntur nummi fuisse, in officinis Marcæ Veronensis, & alibi cusi, signatique. Quid solidus Furlanus, & Aquilejensis, & usualis?

I. **F**requentissimum solidorum, qui duodecim nummos parvulos *Veronenses* valore & pretio æquabant, in Aquilejensi provincia usum in venditionibus, emptio-
nibusque, solutionibus æris alieni, aliisque commerciorum speciebus, patefaciunt innumera, quæ in publicis privatisque Tabulariis adservantur monumenta. Indubiam rem compertamque paucis in medium prolati liceat confirmare. In allatis Zenobii de Giacero litteris indictum legimus: ut *singuli denarii Aquilejenses pro quatuordecim parvulis recipiantur, & solidus pro duodecim parvulis.*

Ex Foro-Julien-sibus Archivis insignis Capituli

pituli Canonikorū, ac Fratrum Ordinis Prædicatorum, hæc promo paucissima, & profero. Anno 1252. *pro pretio trecentarum librarum Veronensium parvulorum*. 1299. *quinque solidi Veronensium parvulorum*. 1417. *Censum livellarium duarum marcharum, unius videlicet denariorum novorum Moneta Aquilegensis, & alterius solidorum*. 1418. *Marcas denariorum quatuor, & quadraginta duas Marchas solidorum*. Ad seculum superius quartumdecimum spectat laudatus Rationum Ludovici Patriarchæ liber, qui nominatus est, *clarum me fac*; in eoque plurima prostant rei, qua de agimus, documenta. V. g. *Marcas denariorum decem & octo, denarios viginti, & solidos duos*.... *Libras parvarum centum quadraginta novem, & solidos sex*..... *Marcas soldorum quatuor, & mediam*.... *Marcham unam soldorum, & solidos triginta duos*. His demum ratiociniis addo, quæ marcas solidorum, quæ solvebantur, redactas exhibent ad Marcas denariorum Aquilejensium, quos parte septima solidis majores jam adnotavimus. V. g. *Marcas soldorum triginta: capiunt Marchas XXV. $\frac{2}{3}$. denarios XXXIII. piz. IIII*.... *Marcas soldorum triginta septem, quæ capiunt Marchas denariorum XXXI. $\frac{1}{2}$. denarios XXXIIII. piz. IIII*. Hisce de ratiociniis, monetarumque æquationibus diligentiore opera inferius agendum.

II. An vero hujusmodi solidos, quorum usus in Provincia frequentissimus erat in commerciis, officina monetaria Aquilejensis cuderet, quaestio est. Agentem partem evincere videntur verba Diplomatis, quo Conradus Imperator facultatem Poponi Patriarchæ fecit, *faciendi denarios argenteos, eosque Veronensis monetae denariis, idest solidis, equiparandi, nisi prædeterminatus Patriarcha, sua spontanea voluntate velit meliorare*. Quo loco cum facultas data est, signandi denarios pates Veronensibus: tum arbitrium concessum, meliores majoresque cudendi. Cur ergo, sicut arbitrio, ita potestate sibi facta usi non fuerint Patriarchæ?

Argumentum suppeditant, quo res eadem evinci videtur, citatae litteræ Zenobii de Giaceto. Primus eas in lucem protulit Justus Fontaninus, postea Archiepiscopus Ancyranus, in libello italice edito *Delle Masnade*. Integras refero. "Nobili Viro, Johanni de Rabatta, honorabili Capitaneo Goritiæ Majori, & amico charissimo, Zanobius Monetarius de Giaceto de Florentia, Utini habitans, cum recommendatione. Noveritis, Reverendissimum Dominum D. Antonium (Cajetanum) Patriarcham Aquilegenssem modo noviter mutasse monetam: & ipsius monetæ regalia, debenda Magnificis Dominis

„ nis Comitibus Goritianis Dominis ve-
 „ stris , idem Dominus Patriarcha mittit
 „ præsentium per latorem de dicta moneta
 „ nova , modo noviter mutata : videlicet
 „ denarios novos ex dicta moneta , ascen-
 „ dentes ad summam centum librarum so-
 „ lidorum , quæ debentur præfatis Dominis
 „ Comitibus pro eorum regalia , quando
 „ mutatur moneta . Quare vos precibus
 „ instantissimis , quibus possum rogo , qua-
 „ tenus velitis in Goritia , & in aliis locis
 „ præfatorum Dominorum Comitum exi-
 „ stentibus ad has partes , dictam monetam
 „ modo noviter mutatam facere proclama-
 „ re : videlicet , quod unusquisque habitator ,
 „ & subditus dictorum locorum præ-
 „ fatorum Dominorum Comitum recipere
 „ dictam monetam debeat ; videlicet sin-
 „ gulum denarium pro quatuordecim par-
 „ vulis , & solidum pro duodecim parvulis ,
 „ sub aliqua certa pœna exigenda a quoli-
 „ bet contrafaciente , secundum quod no-
 „ bis videbitur . Datum Utini 14. Aprilis ,
 „ indictione septima : , (anno Christi 1399.)
 Ubi luculentiora adhiberi verba non potuif-
 se videntur , quæ enunciarent , Monetam
 novam , seu nuper cusam in officina Mone-
 taria Aquilejensi , tam denarios quatuorde-
 cim parvulorum complexam esse , quam so-
 lidos parvulis duodecim constantes .

Acco-

Accedunt Tabulæ, quas Humanissimus Lirutus tradidit, *venditionis cujusdam domus in Glemena, anno 1386. Indictione 9. die 5. Novembris*; in quibus ita pretium enunciat: *pro pretio & foro Marchar. Sold. Furlanorum XVI. & Sold. XX. Solidorum marcas heic habes, solidosque vocatos Furlanos.* Cur ita? Plana & obvia ratio videtur, quod in Provincia Forijulii caderet eos officina Monetaria Patriarcharum. Hinc *Furlani* dicti fuerint, ut a Patavinis distinguerentur, a Veronenfibus, aliarumque civitatum nummis, aut solidis.

III. Opinioni huic, quam argumentis haud leve momentum præferentibus communiavimus, gravissimæ adversantur difficultates. Plurimos quidem nummos argenteos, parvulos, & majores, a Volcheri Patriarchæ ætate ad finem usque dominationis Patriarchalis, effoscos ac inventos Musææ eruditorum servant; quin in majoribus illis ullum deprehendi signum certum, ac stabile, cunctisque obvium queat, quod denarios Aquilejenses distinguat a solidis: habenturque illi omnes pro denariis. An solidos æque, ac denarios cuderit Monetaria Patriarcharum officina; istosque contingat in dies detegi plures, nunquam illos?

In allatis Nicolai, & Ludovici Tabulis, quibus cudenda moneta indicitur, deque

cudendæ ipsius Monetæ ratione pacta continentur, unus occurrit denarius major quatuordecim parvulorum: nullaque nummi, aut solidi mentio, qui *duodecim* constaret nummulis. Clarissima verba sunt: *quodque teneatur idem Dominus Patriarcha facere proclamari ad omnem requisitionem dicti Francisci (Monetarii,) quod predicti denarii recipiantur in quolibet foro & cambio per quemcumque, pro quatuordecim denariis parvulis quilibet.*

Novæ Monetæ sub Raimundo Patriarcha fabricatæ memorat Julianus in Chronico Foro-Julienfi ad An. 1274. & ad An. 1277. memoratque cufos denarios, quatuordecim & sexdecim nummulis constantes: de solidis, qui duodecim nummulos æquarent, ne verbum quidem habet. Ad annum posteriorem sic ait: " Die VII. intrante Martio, mutata est moneta, quæ habebat Patriarchæ (Raimundi) imaginem interius, & exterius turrin, quæ valuerat XIV. *Veronenses*, in monetam valentem, seu positam XVI. *Veronenses*, habentem interius imaginem Sanctæ Mariæ cum Filio, & exterius Aquilegia. Item eodem anno, die VII. intrante Aprili, fuit proclamatum ex parte Patriarchæ: quod ex tunc daretur tantum pro *quatuordecim Veronensibus* & illa nova, quæ tunc curabat

„ rebat , differens a priori in duabus Cruci-
 „ bus parvulis interius & exterius . „ Mirum,
 „ Chronistam data opera agentem de nova mo-
 „ neta , in officina Aquilejensi cusa , denarios
 „ memorare quatuordecim parvulorum , soli-
 „ dos præterire , si & ipsi in eadem Aquile-
 „ jensi officina signarentur !

Præsto sunt aliæ Tabulæ , extremo domi-
 nationis Patriarchalis tempore confectæ ,
 quæ rem eandem confirmant . “ Innotescat
 „ unicuique personæ , qualiter cum hoc
 „ ad honorem & reverentiam omnipoten-
 „ tis Dei , & suæ glorioſæ Genetricis Ma-
 „ riæ , ac pro fructu & communi utilita-
 „ te totius Patriæ Forijulii : illustris Prin-
 „ ceptis , & Reverendissimus Dominus no-
 „ ster D. Ludovicus Dux de Dech , & San-
 „ ctæ Sedis Aquilegensis dignissimus Pa-
 „ triarcha , novissime ordinaverit , & fie-
 „ ri fecerit monetam novam , videlicet
 „ *denarios* secundum antiquam consuetudi-
 „ nem antiquorum Dominorum Patriar-
 „ charum , & bonorum Pastorum & Re-
 „ ctorum dictæ Sanctæ Sedis Aquilegen-
 „ sis , necnon secundum antiquum stylum
 „ & ordinem usitatum in dicta Patria .
 „ Et nunc dicta Moneta fuit facta , &
 „ approbata hodierna die per Magistrum
 „ ad id specialiter deputatum : quæ repu-
 „ putatur esse boni ponderis , & finæ li-

„ *gr* argenti : ideo pro parte dicti Reve-
 „ rendissimi Domini nostri Domini Pa-
 „ triarchæ, ego Dominicus præco mando
 „ unicuique personæ, vicinæ, & forensi ,
 „ ut debeat recipere & expendere de dicta
 „ moneta pro *denariis* , in ratione pro sin-
 „ gulo *parvulorum quatuordecim* , per totam
 „ dictam Patriam. Scientes, quod quicum-
 „ que contra faciens huic proclamationi ,
 „ pro singula vice qua contrafecerit , in-
 „ currat & cadat in pœnam 100. librarum
 „ *denariorum* , applicandarum Cameræ Pa-
 „ triarchali. Quæ pœna nullatenus remit-
 „ tetur eidem sic contra facienti. Dat. Uti-
 „ ni, die Sabbati 26. Martii 1413. Indi-
 „ ctione 6. „ Cusam signatamque *novam*
 Aquilejensem *monetam* habes : *videlicet de-*
naarios secundum antiquam consuetudinem , mi-
 nime solidos. Ejusdem monetæ valorem pu-
 blice præco denunciat , jubetque recipi de-
 bere & expendi *denarios* , non solidos. Va-
 lor demum nummorum constituitur *in ra-*
sione parvulorum quatuordecim pro singulo ,
 nulla solidorum ingesta mentione, qui duo-
 decim parvulos valerent. Hæc mihi ferme
 peremptoria videntur.

Quid ? quod in ea nummorum largitio-
 ne, quæ pro munere quodam , cum nova
 moneta Aquilejensis cuderetur, fieri Comi-
 tibus de Goritia consueverat, nummos ar-

genteos, qui solvebantur, *denarios* vocat Zenobius Monetarius, minime Solidos:

„ Idem Dominus Patriarcha, inquit, vo-
 „ bis mittit præsentium per latorem de di-
 „ cta *Moneta nova*, modo noviter mutata,
 „ & fabricata: videlicet *denarios* novos ex
 „ dicta moneta, ascendentes ad summam
 „ centum librarum *Solidorum*, quæ debentur
 „ præfatis Dominis Comitibus pro eorum
 „ regalia, quando mutatur moneta. „
 Ubi de *nova moneta, noviter mutata, & fabricata*, missos legimus *denarios novos ex dicta moneta*. Cur etiam novi *Solidi* missi non fuerint, si eos Monetaria Aquilejensis officina signasset? Animadvertite, *denarios* ex dicta *moneta nova* numeratos esse ad summam centum librarum *solidorum*. Nempe pro consueto munere centum solvebantur *libra solidorum*: at nulla tamen erat *Solidorum* solutio, sed *denariorum*; quot videlicet, ratio cinio instituto, pensatoque valore, centum libris *solidorum* æquivaiebant. Cur ita? Satis apertum puto, quia de nova moneta, quæ in Aquilejensi officina cusa fuerat, non alij argentei nummi erant, nisi denarii parvuli, ac majores parvulis quatuordecim constantes.

Cum ergo in eisdem litteris Monetarium denunciantem legis, ut Comites Goritiani eorumque subditi *dictam Monetam novam*

reci-

*recipere debeant, videlicet singulum denarium pro quatuordecim parvulis; & solidum pro duodecim parvulis; denarios accipe pro ipsa Aquilejensi Moneta nova, solidosque pro nummis extraneis, quorum usus Goritiæ & in Comitatu communis erat, vel Tergestinis, vel Tirolensibus, vel aliarum Civitatum, & ipsius Goritiæ, (ibi namque cufos aliquando nummos, nummi qui servantur in Musæis patefaciunt:) factamque proinde a Monetario denunciationem sic intellige, ut novi illi denarii, utpote Aquilejenses, pro parvulis quatuordecim singuli, quicumque illi sint, recipi debeant; cæteri-que nummi usu communi adhibiti in commerciis, utpote extranei, aliisque in officinis Monetariis percussi, appellatique *solidi*, valore & pretio duodecim duntaxat parvulorum Veronensium recipiantur. Ac sane monetæ illius extraneæ argentei nummi, qui in Civitatibus Marcæ Veronensis, aliisque finitimis in locis cudebantur, plurimi effodiuntur in dies ex agro Foro-Julien- si, non minus ac denarii, quos Aquilejenses appellamus. Tirolensis nummi, itemque Goritiani typos in postrema Tabula impres- sos vide.*

Neque facultatem urgeas a Conrado Im- peratore factam, signandi denarios, tum monetæ Veronensis denariis æquivalentes,

tum etiam meliores, ipsi Patriarchæ si vel-
lent. Facultate nempe sibi facta usi sunt.
Cudi fecere tum denarios parvulos Veron-
ensibus pares; tum majores, non quidem
æquiparatos ponderi ac valori solidorum
Veronensium, sed meliores majoresque,
parte scilicet septima, ad summam usque
quatuordecim parvulorum. Id jussu, id
permisum in diplomate Imperatoris; ac
utrumque executioni demandatum a Patriar-
chis pro sibi data potestate.

IV. Solidos opponis, in aliquibus Archi-
vorum tabulis vocatos *Furlanos*: eosque ita
dictos intelligis, quod eosdem, tametsi duo-
decim parvulos valentes, non alia cuderet
Monetaria officina, nisi Aquilejensis in Pro-
vincia Forijulii. Imo denarios ipsos Aqui-
lejenses quatuordecim parvulorum putave-
rim ego, dictos *Solidos Furlanos*: a cæteris
nempe solidis distinctos, qui duodecim tan-
tum parvulis constabant.

Interpretationem confirmari arbitror se-
quentibus Tabulis, quas Fratrum Prædica-
torum Forojulienſium Archivum servat.
Altera est: " Anno 1446. Indictione 9. die
„ vero Lunæ 21. Mensis Novembris... sol-
„ vendo annuatim ... ipsi Monasterio San-
„ cti Dominici Soldos Aquilegenes decem
„ Altera: Anno 1470. Indictione 3. di-
„ 3. Mensis Maii... Cui Ecclesiæ (Sanct
„ Do-

„ Dominici) five Conventui legavit per-
 „ petualiter annuatim solvendam... Mar-
 „ cham unam Soldorum usualis monetæ. „
 Quibus in locis *Soldos usualis monetæ*, ma-
 ximeque *soldos Aquilejenses*, intelligi debe-
 re *denarios quatuordecim parvulorum*, dictos
Aquilejenses, nullus dubito : nondum enim
 ea tempestate, Monetæ Patriarcharum, ta-
 metsi Provincia Forijulii potiretur Veneta
 Majestas, antiquatus omnino usus erat cum
 pristino suo valore.

Neque mirum, denarios prædictos Aqi-
 lejenses dictos aliquando *solidos* ; maxime-
 que cum addito *usualis monetæ*, vel *Aquile-
 jenses*, vel *Furlanos* : cum & ipsi *solidi* non
 raro vocentur *denarii*. In ipso Conradi Im-
 peratoris diplomate, quo prærogativa Po-
 poni Patriarchæ confertur, denarios cuden-
 di pares , vel meliores *Veronensis moneta
 denariis*, intelligere denarios istos par est ,
 tum numulos parvulos, tum majores, idest *so-
 lidos*, valentes duodecim parvulos. Peritifi-
 simus Joannes Brunatius in Opusculo , *De
 re Nummaria Patavinorum*, Venetiis excuso
 anno 1744. apud Jø. Baptistam Pasqualium,
 Capite V. pag. 35. chartam præfert cum his
 verbis: “ M.CC.III. Indictione VI. die III.
 „ intrante Novembri : Paduz in Episco-
 „ pali Cámara.... promiserunt solvere...
 „ VI. libras *denariorum* Veneciarum : vi-

„ delictet XL. solidos ad forum Sanctæ Ju-
 „ stinæ, & XL. ad mercatum Sancti Pros-
 „ docimi, & XL. ad forum Sancti Viti. „
 Ubi qui primum appellantur *denarii*, dein-
 de *solidi* vocantur. Aliæ Tabulæ prostant
 pag. 38. in quibus hæc habentur : “ An-
 „ no Mill. C. nonagesimo secundo Indictio-
 „ ne X. die 11. intrante Octobre.... reli-
 „ quit (Speronella in suo testamento). li-
 „ bras quinquaginta *denariorum* pro mille
 „ Missis cantandis : „ quo loco denarios
 accipit Brunatius, pro solidis : docetque
 pag. 39. hac ætate, cantandæ Missæ sti-
 pendium *solidum* unum fuisse, duodecim
 parvulos valentem. Satis hæc vero, ut
 cuique lux affulgeat, qua præluente ve-
 teres chartas, vetustosque nummos in eis
 enunciatis recte valeat, vocis æquivoca-
 tione sublata, intelligere.



CAPUT IV.

Frixachenses nummi, & Frexachenses, Frixachi, vel etiam Frikerii. Idem omnino cum denariis Aquilejensibus parvulorum quatuordecim. Cur eo nomine appellati?

I. NUMMOS frequentius memorant veteris chartæ, in Tabulariis nostris, publicis privatisque, adservatæ, dictos *Frixachenses, Frexachenses, Fresachenses, Frixachos*, vel etiam *Frikerios*. Anno 1092. tres *Frisacenses* occurrunt in Tabulis Capitularis Archivi Forojulienſis. Anno 1206. in Membrana Archivi Aquilejensis, prædium venditur pro pretio sex Marcharum *Frixacenſis Monetæ*. Anno 1354. Indictione VII. die XXVI. intrante Mense Augusto.... *Reditus quorum Manſorum idem Dominus Galvanus aſſeruit, ascendere ad usum Curie de reditu, Marchas VIII. demptis Frex. XX.* Anno 1355. VIII. Indictione, die XXV. intrantis Mensis Januarii, in Castro Maniaci ... *ſolvit annuatim de ſictu St. 2. frumonti, St. 2. Millei, spatulam 1. edum 1. gallinam 1. & Frex. XII..... Et ſolvunt annuatim de ſictu Frex.*

cent. Aquilegensis moneta Et in Missis pro omni Sacerdote in Offertorio unum Doplevium cum VII. Frex. dare & offerre debeant. Anno 1370. Die septima Julii, sub Domo Communis Miniaci Solvit 1. Star. frumenti, 1. Avenæ, 1. Millei, 2. quartas Siligenii, 2. quartas Panigii, Frex. 20. Superiores tres chartas Illustrissimo Comiti Nicolao-Jacobo de Maniaco acceptas debeo. In Statutis vetustis laudati Forojulienſis Capituli hæc habentur: Trium Frixach. Frixachen. XX. & non ultra. Unam Marcham Frixach. Unius Marchæ Frixachorum.

In Vita Beati Bertrandi Patriarchæ, qui anno 1350. vita functus ad cælites evolavit, apud Bollandi Continuatores ad diem VI. Junii, hæc legimus verba Capite V. . . . Votum emisit, ut ejus sepulturam visitaret, & super ipsam Imaginem ceream ad formam hominis trium librarum, & valoris quadraginta Frixoriorum poneret, & offerret. In Notis Bollandiani sic habent. " Quod genus monetæ, & cujus valoris fuerint Frixoria, ignorare se hodie fatentur Forojulienſes interrogati. Suspiciantur autem, nummum fuisse, Frixorii seu saginæ formam referentem, vel impressam sibi habentem. ,, Nugæ sunt. Nullus ego dubito, *Frixorios*, vel *Frixerios* perinde intelligi ac *Frixachenses*, ac *Frixachos* debe-

debere : illudque animadverto, mihi nondum præsto fuisse chartas, in quibus *Frixorios* aut *Frixerios* legerem, cum plurimæ nummos præstent *Frixachenses*, *Frexachenses*, & *Frixachos*. Hinc loco citato cum fortasse scriptum esset in Codice MS. *Frix*, minus periti librarii exprefferint vocem *Frixeriorum*, pro *Frixachensium* vel *Frixacorum*. Ut ut sese res habeat, compertum exploratumque debet esse, memoratos eo loco *Frixorios* intelligi denarios Aquilejenses debere.

II. Nummos hujusmodi, *Frixachenses* dictos, & *Frixachos*, pronuntiat Justus Fontaninus in citata Epistola *delle Masnade* Nota 23. cusos non fuisse signatosque, sed arbitrarios & ideales, certo quodam numero denariorum Aquilejensium constantes, ea ratione excogitados, ut minore summa expediri contractus possent, ac facilius rationcinia instituerentur: quod in *Marcha*, & *Fortone* factum, inferius dicendum: ac insuper demum a *Frixachensibus* distingui putat *Frixerios*, veluti duo nummorum non signatorum genera.

Contra se rem habere, certum facit exploratumque laudatus Codex *Rationum Reverendissimi in Christo Patris & Domini D. Ludovici Dei gratia Sedis Aquilegensis dignissimi Patriarchæ, qui nominatus est, Clarum me fac.* Positas in eo rationes ita legimus,

ut *Frixabenses* vel *Frixabi* pro iisdem omnino *Aquilejensibus* denariis quatuordecim parvulorum passim & constantissime accipiantur. V. g.

„ Recepit pro solutione... March. dnr. decem & octo, dnr viginti, & soldos duos

Mr. XVIII. *Frix.*
XX. sold. 11.

„ Recepit... super solutione.... March. dnr. Aquilegen. ducentum quatuordecim, *denarios* quadraginta quinque, piz. (pizzulos, seu parvulos) X.

Mr. II. c. XIII.
Frix. XLV. piz. X.

„ Recepit... March. denariorum centum quadraginta, & *denarios* quadraginta quinque, piz. sex. — — —

Mr. CXL. *Frix.*
XLV. piz. VI.

„ Recepit... March. dnr. unam, & dnr octo
„ Recepit... March. dnr. unam, & dnr quadraginta. — — —

Mr. I. *Frix.* VIII.

Mr. I. *Frix.* L.

Et sic deinceps passim: ubi qui *denarii*, vel *denarii Aquilejenses* integra expressa voce appellantur.

pellantur, indicantur etiam compendiarie nota *Frix.* quæ *Frixachenses*, aut *Frixachos* significat.

Quid erit ergo formula illa, in vetustis chartis haud infrequens: v. g. *Quadragesima Friesachenses denariorum novorum Aquilejensis monete*? Annon certus enunciari videatur numerus denariorum, qui in officina Aquilejensi cudebantur, in uno vel pluribus Friesachensibus contentus, veluti nummo arbitrario? Par esse videtur ratio, atque cum *Marcha una*, vel *decem*, vel *viginti*, vel *centum Marche* denariorum Aquilejensium enunciantur: arbitrarius quippe nummus est *Marca*, quo certus continetur denariorum numerus. Verum inesse nullam verbis allatis difficultatem, luculentissime evincunt posita ratiocinia, quæ in laudato *Rationum* codice, *Frixachensem* nummum repræsentant unum eundemque, ac *denarium Aquilejensem* quatuordecim parvulorum. Una restat prædictæ formulæ, aut locutionis ratio, & origo quærenda.

III. Hæc vero facilius detegi ut possit, cur denarii nostri Aquilejenses insigniti fuerint *Frixachensium* aut *Frixachorum* nomine, in antecessum perquiramus oportet. Friesaci, vel Freisaci, quæ Carinthiæ civitas est, remotiore jam ævo Monetaria officina exstabat: signatique in ea nummi diceban-

cebantur *denarii Fresacenses*. Apud Bernardum Pezium Tomo III. Thesauri Anecdotorum Parte III. documenta prostant in Codice Diplomatico Admontensi: primum *anni ab Incarnatione Domini M.C.LXVIII. Indictione II.* num. 9. cum his verbis: *VI. Marcharum Fresacensium denariorum*; & alterum *Indictionis V.* (anni 1232.) num. 58. ubi hæc habentur: *ut Abbasidem XXV. Marchas denariorum Frisacensium Militi daret predicto*; tertium *anni Incarnationis Domini M.C.XCI.* num. 114. in quo legimus: *unde sibi quinquaginta denarii Frisacensis monete annuatim solverentur*. Apud Ughellum in Italia Sacra, edit. Ven. in Vodalrico II. Patriarcha Aquilejensi, charta recensetur *anni M.C.LXXX. Indict. XIII.* quæ Bernardum de Treven Ministerialem exhibet, solventem Mosacensi Abbatæ, nomine census, *annuatim quinque denarios Friesac.* (Friesachenses.) In Codicillo demum Diplomatum Bambergensium apud Ludevvigum in Ecclesia Bambergensi, Privilegium refertur num. xx. quo Fridericus II. Imperator facultatem Henrico Bambergensi Antistiti confert: *ut apud Villacum* (aliam Carinthiæ civitatem) *novam Monetam cudi faciat, quæ Frisacensi Monete equipolleat*: Datum Diploma est *anno Dominice Incarnat. M.CC.XLII Mense Junio quintadecimæ Indictionis*.

De

De voce jam puto diremptam esse quæstionem omnem : proque certo habendum, nomen denariorum, qui signabantur Frisaci, ad Aquilejenses denarios translatum esse. Quænam enim vocis differentia fuerit inter *Frisacenses* & *Fresacenses* nummos, quos Frisaci cudabant Monetarii, ac inter *Frixacenses*, *Fresacenses*, *Frixacos* ita nuncupatos denarios Aquilejenses? Ac sane *Frisacum*, & *Freisacum*, civitatem Carinthiæ, vocatam barbara voce *Frixacum*, & *Frexacum*, & *Fresacum*, nullus dubito.

Cur vero nomine illo *Frisacensium* denariorum, & ipsi Aquilejenses nummi insigniti? Vel quia denarii nostri pares fuerint, valore, & pondere, illis nummis, qui *Frisaci* in Carinthia percutiebantur. Vel potius, quod ævo primo quispiam nostrorum Patriarcharum denarios Aquilejenses feriundos curaverit in officina Monetaria *Frixacensi*. Jus ipsum cudendi Monetam Aquilejensem a Gregorio Patriarcha translatum fuisse in quosdam Venetos Cives, discimus ex Tabulis, quas Capite primo num. II. recensuimus. Quidni simile quidpiam, nondum fortasse Aquilejæ, vel alio in loco Provinciæ Forojulienensis officina Monetaria instructa, Bertholdus, aut Volcherus, aut Præcessores Patriarchæ egerint? Hinc porro factum, ut denarii, ad usum quidem
Aqui-

Aquilejensium signati, sed attamen in *Frisacensi* officina Monetaria cusi, *Frixachenses* dicti fuerint, & *Frixachi*, & *Fresachenses*. Quo rem magis animo verso, eo proclivius feror, ut rem ita accidisse credam.

Posita rursus in calce numeri II. difficultas evanescit, quæ ex illa formula desumitur, v. gr. *Quadraginta Frixachenses denariorum novorum Aquilegensis monetæ*. Intellige nummos *Fresachenses* generatim pro denariis, sive qui *Frisaci* pro *Frisacensibus* populis cudebantur, sive qui *Aquilejenses* erant, *Aquilejæ* vel alibi percussi: cætera verba, *denariorum Aquilegensis monetæ*, veluti differentiam accipe, quæ nomen illud generale definitur, ac circumscribitur: ac perinde demum fuerit, enunciare *quadraginta denarios novos Aquilejenses*, atque *quadraginta Fresachenses denariorum novorum Aquilegensis monetæ*.

CAPUT V.

Denariorum Aquilejensium communis valor, itemque solidorum in Provincia. Extraordinarius aliquando, & excedens. Communis comparatus cum hodiernæ Monetæ Venetæ solidis. Idemque cum mercium quantitate, quæ vendebantur & emebantur.

I. **C**OMMUNEM denariorum Aquilejensium valorem constanti pretio quatuordecim parvulorum Veronensium æstimari consuevisse, jam sæpe diximus: Solidosque valuisse, haud unquam inuenta mutatione, duodecim eisdem Veronenses parvulos: adeoque denariorum excessum præ solidis parte septima computari. Documentis indubiis diligentius res est demonstranda.

Charta anni 1276. prolata est Capite II. num. II. ex Archivo Capituli Forojulienfis, ubi hæc habentur: *quingentos & octoginta tres Fortones, viginti unum denarios, & octo Veronenses; ad monetam Aquilegiæ computato denario Aquilegenfi pro quatuordecim Veronensibus.* Repeto Juliani verba in Chroni-

co Forojuliensi ad Ann. M.CC.LXXVII.

„ Die VII. intrante Martio mutata est mo-
 „ nera, quæ habebat Patriarchæ imaginem
 „ interius, & turrim exterius, quæ value-
 „ rat *XIV. veronenses*, in monetam valen-
 „ tem seu positam XVI. veronenses, ha-
 „ bentem interius imaginem Sanctæ Mariæ
 „ cum Filio, & exterius Aquilegia. Item
 „ eodem anno die VII. intrante Aprili,
 „ fuit proclamatum ex parte Patriarchæ:
 „ quod ex tunc daretur tantum *pro XIV. ve-*
 „ *ronensibus* & illa nova, quæ tunc cur-
 „ rebat differens a priori in duabus Cru-
 „ cibus parvulis, interius, & exterius. „

Anno 1356. confectas habes Nicolai Pa-
 triarchæ Tabulas Capite I. descriptas, quæ
 sic habent: “ Teneatur idem Dominus Pa-
 „ triarcha facere proclamari ad omnem re-
 „ quisitionem dicti Francisci (Monetarii):
 „ quod prædicti denarii (tunc cusi) re-
 „ cipiantur in quolibet foro & cambio per
 „ quemcunque, *pro quatuordecim denariis*
 „ *parvulis* quilibet. „ Eadem habentur
 verba in Tabulis Ludovici Turriani suc-
 cessoris, datis anno *Nativitatis M.CCC.LIX.*
indictione XII. die XIX. Mensis Octobris.
 Zenobius Monetarius in Epistola anno 1399.
 data ad Joannem de Rabatta, admonet ip-
 sum, ut præconis denunciatione indicat:
quod unusquisque habitator & subditus (Go-

ritienſis) *recipere dictam monetam valeat ; videlicet ſingulum denarium pro quatuordecim parvulis , & ſolidum pro duodecim parvulis .* Sub Ludovico Techio anno 1413. *unicuique perſonæ , vicinæ , & forenſi , Præco denuntiat , ut debeat recipere , & expendere de dicta moneta , pro denariis in ratione pro ſingulo parvulorum quatuordecim .* Plura dabimus infra, de Marca nummo arbitrario pertractaturi.

II. Cuſos attamen aliquando denarios Aquilejenſes majoris valoris, verba Juliani Chroniſtæ ſuperius allata evincunt: *Mutata eſt , inſipientis , moneta , quæ habebat Patriarchæ imaginem interius , & turrim exterius , quæ valuerat XIV. veronenſes , in monetam valentem ſeu poſitam XVI. veronenſes .* Refert Jacobus Valvaſonus de Maniaco in Hiſtoria MS. Patriarcharum Aquilejenſium: Monetam jūſſu Bertrandi ſignatam fuiſſe, cujus valor pretium *quatuor denariorum communium æquaret .* Typum nummi deſcribit, parte ex una inſigniti *imagi* *Sancti Hermagoræ ;* atque *Cruce , & nomine Deus* ex altera.

Hunc ſervant Muſæa nummum . Pars altera Crucem exhibet, intra cujus latera DEUS, cum epigraphe *Bertrandus Pat* : viſitur in altera Sancti Pontificis effigies, qui manum dexteram elevatam habet, &

D

niſtra

nistra tenet crucem, cum verbis in circuitu, S. (sic) *Hmachor*, Vide Tab. 3. num. 1. Pondere examinato, æquipollere nummusprehenditur duobus denariis, & dimidio. Nummus etiam ejusdem Bertrandi habetur, duplo major cæteris: cujus antica præfert Deiparæ imaginem, puerum Jesum ulnis gestantem, cum epigraphe, *Virgo Maria* (sic) *Avocata Mundi*: postica vero Aquilam exhibet cum litteris, *Bertrandus P. Aquilegensis*. Eamdem consule Tabulam 3. num. 2.

Vetustæ deinum seculiquartidecimi chartæ occurrunt, in quibus enunciantur denarii *de viginti* parvulis: quos attamen Aquilejensem fuisse monetam, non ita facile dixerim. Sed hæc satis de nummis, quos raro cudebant jussu Principis Aquilejenses Monetarii, communem denariorum valorem excedentibus.

III. Communis Aquilejensis denarii valorem expendere jam liceat, ad externos nummos, eorumque æstimationem comparatum. Fontaninus in Epistola laudata *de felle Masnade* Nota 23. arbitratur Aquilejenses *argenteos denarios æstimari singulos posse sex solidis Venetis hodiernis*. Hanc ego animadverto conjectationem Aquilejensibus cujusque ætatis denariis adaptandam non esse, cum non fuerit una, sive materiæ

con-

conditionem spectes, sive pondus consideres, sed varia ipsorum ratio. Nummi quippe sub Volcherb, Bertholdo, Gregorio, Raimundo, Petro, Ottobono ponderosiores erant, purioresque argento conflati: ab his decidunt, pondere, & nota, qui sub Nicolao, Ludovico, & Marquardo signati fuerunt: minusque ponderantes, redactique ad impurissimum gradum deprehenduntur, quos cudi postremi Patriarchæ curarunt; qua de re latius infra.

Denariorum comparisonem cum Ducatis, & Florenis aureis frequentius exhibet citatus Codex *Rationum* Ludovici Patriarchæ, anno 1360. & insequente scriptus. V. g. *Recepit Ducatos quinquaginta quatuor in ratione LXIII. denariorum pro quolibet: vel Florenos viginti unum in ratione LXIII. denariorum pro quolibet: vel Ducatos quadringentos in ratione denariorum sexaginta trium, & parvorum decem pro quolibet Ducato.* Ducatum intellige nummum aureum Venetum, vulgo *Zecchino*. Hujusce valor hodiernus in communi foro æstimatur libris viginti duabus, seu solidis 440. Hanc summam divide per 64. (quot nempe Aquilejenses denarii æquabant aurei nummi valorem:) quotus erit 6. residuus 56. Solidos istos residuos 56. duc in duodecim parvos nummulos, vulgo *Bagattini*: pro-

ductum habes 672. Hanc divide summam per 64. In quoto erunt nummi parvi 10. & supersunt 32. Itaque Aquilejensis denarius, ætate Nicolai & Ludovici Patriarcharum cusus, excedit valore sex Venetos hodiernos solidos, ac septem non exæquat.

Hinc solidorum hujusmodi numerus augendus est, ad æquandum valorem Aquilejensis denarii ætate superiore signati ob meliorem tum ponderis, tum notæ conditionem: idque opposita ratio efficit, ut sequioris ac postremæ ætatis denarius pauciores valeret solidos hodiernos. Ab laudato Jo. Josepho Liruto, Forojulienarium antiquitatum peritissimo, accepimus: chartas in Archivis a se visas, quæ docent, Ducatum aureum Venetum anno 1380. computari consuevisse pro 70. denariis Aquilejensibus, seculi quintidecimi initio pro denariis octoginta, & anno 1414. pro denariis ferme nonaginta. Res ita habere se debuit in hisce Aquilejensibus denariis, qui & pondere, & materiæ conditione in dies evadebant pejores.

Venetiis prodiit laudata Epistola *delle Masnade* anno 1698. apud Hieronymum Albrizium: quo tempore nummus aureus Venerus, vulgo *Zesebino*, in foro pendebat libras decem & septem solidorum, seu solidos 340. Hinc instituto (ut superior)

PATRIARCHARUM AQUILEJENS. 55

rius) ratiocinio , innotescit , singulos denarios Aquilejenses pares valore fuisse solidis quinque Venetis , & tribus parvulis : quorum residui sunt octo & quadraginta , in 64. denarios distribuendi . Quæ tamen ratiocinia recte ut se habeant , pro dato sumi debet , Venetum , hodiernum nummum aureum ejusdem esse notæ & gradus , ac illi erant , quorum valorem ætate Ludovici Patriarchæ æquabant 64. denarii Aquilejenses .

Facta rursus comparatio ad hodiernos duntaxat pertinet solidos Venetos : æreos videlicet , duodecim parvulis , vulgo *bagatini* , singulos constantes ; tametsi a foro & usu rejecti dudum prædicti parvuli sint , & exulent . Cæterum argenteos olim Veneta monetaria officina signabat denarios , aut solidos : in eaque prima vice anno 1285. cusus aureus Ducatus , vulgo *Zecchino* , visus est . Hujusce valorem multiplicem ac varium , relate ad solidos , ac solidorum libras , pro notæ , ponderis , & valoris eorundem decremento , scheda sequens exhibet .

Anno 1285. — — L. 3. 2.

1351. — — L. 3. 4.

1353. — — L. 3. 6.

1356. — — L. 3. 8.

D 3

1359.

| | | | |
|------|-------|-----|--------------|
| Anno | 1359. | — — | L. 3. 10. |
| | 1365. | — — | L. 3. 12. |
| | 1370. | — — | L. 3. 14. |
| | 1377. | — — | L. 3. 16. |
| | 1378. | — — | L. 3. 18. |
| | 1379. | — — | L. 4. |
| | 1380. | — — | L. 4. 2. |
| | 1382. | — — | L. 4. 4. |
| | 1399. | — — | L. 4. 13. |
| | 1412. | — — | L. 4. 14. 8. |
| | 1417. | — — | L. 5. |
| | 1418. | — — | L. 5. 1. |
| | 1429. | — — | L. 5. 4. |
| | 1441. | — — | L. 5. 13. |
| | 1442. | — — | L. 5. 14. |
| | 1453. | — — | L. 6. 4. |
| | 1514. | — — | L. 6. 10. |

Quæ nota, varium sequioris etiam temporis ad nostram usque ætatem valorem nummi aurei Veneti exhibens, typis edita prostat in calce Partis I. Chronici Veroneſis a Petro Zagata concinnati, lucemque in publicam editi a Joanne Baptista Biancolino Veronæ typis Dionysii Ramanzini anno MDCCXLV.

IV. Non abs re demum fuerit exempla nonnulla afferre, quæ denariorum Aquilejensium valorem patefaciant in mercibus vendendis, emendisque. Agri olim, ædes,
gra-

grana, vestes, ac cætera venum exposita, paucorum solidorum, paucarumque pretio librarum dabantur: nunc pluribus aut solidis, aut libris opus est. Causæ plures adduci solent: ac primo ipsa denariorum conditio, qui, sive pondus sive notam spectemus, deteriores ex officinis monetariis prodire. Adde immanem auri argentique vim advectam in Europam, ex quo tempore detectæ sunt Indiæ Occidentales: inde namque factum, ut passim vili pendii pretio pretiosa illa metalla cæperint. Sed neque præteriri debet investi lux ratio, sive qui ad victum spectat, sive qui ad vestitum, aliasque hominum aut necessitates, aut voluptates. Aliæ demum sunt causæ, quæ repeti ex variis rerum temporumque circumstantiis possunt: neque diligentius eas expendere, nostra inter negotia est.

Cariora quædam profero pretia, quibus grana seculo tertiodecimo emebantur in Provincia Forojulienſi: eademque comparet lector cum pretiis hodiernis. Julianus Chronista hæc habet. “ *De Caristia.*

„ Anno Domini M.CC.LXXVI. in Novembri vendebatur St. Fr. XXX. den. &
 „ etiam plus. Millium XXII. denar. Surcum XIV. & etiam XVI. den. & tantum Siligo, & plus. Surcum XXIII.

„ & XXVIII. den. Item ascendit Fr. ad
 „ L. den. Millium ad XL. Surcum etiam ad
 „ XXXVII. & plus. In principio Martii,
 „ die Sabbati sexto intrante Martio, fi-
 „ naliter positum fuit Fr. pro XL. den.
 „ & Siligo & Faba pro XXXVI. Millium
 „ pro XXVIII. Surcum pro XXIII. den.
 „ in manu solvendo. „

Duas demum addo chartas: alteram an-
 ni 1382. *Star. Frum. 2. in ratione den. 58.*
pro Stario : & Starios Sigalæ 2. in ratio-
ne den. 46. pro Stario. Alteram anni 1389.
In ratione soldorum 78. pro quolibet congio
vini ad mensuram clari. Hæc protulisse fa-
tis, quæ præ manibus erant.





CAPUT VI.

Marca, nummus arbitrarius. Alia denariorum Aquilejensium, alia solidorum: ac utraque centum & sexaginta nummis conflata. Præter hanc communem Marcam, alia ad usum Curiae dicebatur: cujus valor inquiritur.

I. **H**AËtenus de nummis, quos Monetaria Patriarcharum officina cudebat. Marca sequitur nummus arbitrarius, certo denariorum aut solidorum numero constans: ea ratione excogitatus, ut minore summa enunciarentur pretia rerum, ac facilius ratiocinia instituerentur. Plena sunt chartis Tabularia, quæ Marcas exhibent tum denariorum Aquilejensium, tum solidorum.

Valorem in Aquilejensi Provincia communem definire, operæ pretium est: nec enim ubique idem Marcæ valor. Ducangium consule in Glossario, ubi Marcæ occurrunt, quas longe ab Aquilejensibus discrepantes novimus. Marcæ cujusdam mentio est in Diplomate C. XVII. codicis Di-

pla

plomatici Admontensis, apud Bernardum Pezium Tomo III. Anecdotorum Parte III. per hæc verba : Godefridus, ejusdem Cœnobii Admontensis Abbas in Stiria, *fodinas* quasdam *ea conditione* largitur D. Meynardo & Heinrico de Pulndorff, *ut debeant nobis persolvere Marcam CXXX. denariorum*. Marcam heic habes, centum triginta (nisi prælum erret) denariis (Frisacensibus, ut puto,) compositam.

II. At denariis 160. constabat communis Aquilejensis, quæ dicebatur, *Marca denariorum* : totidemque solidis, *Marca solidorum*. Exploratam, compertamque rem faciunt vetustæ chartæ, quas ex Archivo Hospitalis Glemonensis erutas, ab Humanissimo Jo. Josepho Liruto accepimus. “ Anno „ Domini MCCCXXVII. Indictione deci- „ ma, die XXI. Aprilis: præsentibus Pres- „ bytero Jacobo ol. Choculi, Simunino ol. „ Biachini, Pidrusio genero ol. Stephani „ Ventroni de Glemona, Domino Fran- „ cisco Domini Matthiæ, Daniele ol. Pen- „ chari de Glem. Multobello filio Step- „ hani de Artenea, & aliis testibus Cum „ Michella uxor Phevi de Florentia dare, „ & solvere teneretur annuatim in Nativi- „ tate Domini Hospitali Sancti Spiritus de „ Glemona XL. *denar. Aquil.* pro quadam „ Vineâ, quæ olim fuit Purzitini Do- „ minus

„ minus Adalgerius Prior dicti Hospitalis
 „ per se . . . contentus fuit habere a dicta
 „ Michella *dimidiam Marcham* denariorum
 „ Aquilejensium pro *duobus censibus* , pro
 „ duobus annis tunc sequentibus. „ Cen-
 „ sus annuus quadraginta denariorum bis solu-
 „ tus , seu octoginta denarii , sub nomine
 „ enunciantur *dimidia Marcha* : adeoque Mar-
 „ ca integra conflabatur denariis 160.

“ Anno Domini MCCCLXXXII. indictio-
 „ ne V. die VIII. Martii. Actum Glemo-
 „ næ in statione mei Notarii : præsentibus
 „ Fratre Nicolussio de Maniacho Priore
 „ Hospitalis Sancti Spiritus de Collibus Gle-
 „ monæ , Nichuluto q. Petri de Camuza-
 „ cho , & al.... Ibique Simon q. S Fran-
 „ cisci de Buya fuit contentus , & confes-
 „ sus habuisse , & integre recepisse a Simo-
 „ ne q. Nichuluti Viduli de Buya , starios
 „ Frum. II. in ratione denariorum LVIII.
 „ pro stario : & starios Siglæ II. in ratio-
 „ ne denariorum XLVI. pro stario : quod
 „ ascendit ad summam *Marcharum denario-
 „ rum unius* , & *denariorum XLVIII.* „ De-
 „ narii bis 58. & bis 46. summam conflant
 „ denariorum 208. quibus Marca una confi-
 „ citur denariorum 160. & residui sunt de-
 „ nari 48.

“ Anno Domini MCCCLXXXVIII. In-
 „ dictione XII. die XXI. Mensis Decembris.
 „ Actum

„ Actum Glemonæ ante Canipam Nicolau-
 „ ti Thomasiæ : præsentibus Blanco Ben-
 „ venuto dicto d'Avrava, Francisco q. Ni-
 „ chuli Zimulini, omnibus de Glemona....
 „ Ibique Christianus, gener Zernerch, &
 „ filius q. Gropilli de Orvifano, habitator
 „ Sillize; & suis precibus Johannes q. Ni-
 „ colai della Porta, & Sfetiz q. Zernech
 „ de Silliza, ex causa pretii unius vasis vi-
 „ ni terrani, exstimati *Congiiis VI.* ad men-
 „ suram Clari principaliter & in soli-
 „ dum se obligantes, dare & solvere pro-
 „ miserunt Francisco dicto Pizignino q. Pe-
 „ tri Luzie de Glemona, *March. sold. par.*
 „ *III. demptis soldis XII.* usque ad proximum
 „ festum Carnisprivii : & hoc in ratione
 „ sol. LXXVIII. pro quolibet congio. „
 Duc vero 78. in sex: productum habes 468.
 Porro solidi 468. conficiunt duas Marcas,
 solidorum 160. singulas: ac supersunt soli-
 di 148. quibus si addas 12. integræ tres con-
 surgent Marcæ.

His addo chartam anni 1365. in Archi-
 vo Capituli Canoniorum Forojulensium
 adservatam, cum his verbis: *Item mediam*
Marcham pro censibus retentis in quatuor an-
nis proxime elapsis, videlicet 20. denarios in
anno. Quater viginti sunt denarii octogin-
 ta, quæ dimidium Marcæ conflatur.

Argumenta ejusdem rei suppeditat plu-
 ra

ra sæpe laudatus Codex Rationum Ludovici
 Patriarchæ . Pauca profero supputationum
 exempla . V. g. *Recepit libras Veronen-*
sium ducentas , quæ capiunt in Moneta Aqi-
legenfis denariis , Marchas XXI. Frix. LXVIII.
piæ. VIII. Ducentæ Veronensium libræ , fa-
 cta multiplicatione 200. librarum in 20. so-
 lidos , (quot nempe continet libra ,) ca-
 piunt solidos 4000. Duc modo 4000. in 12.
 nempe parvulos Veronenses , (quot scilicet
 parvulis constat solidus :) productus erit
 48000. Hanc summam divide per 14. (nam
 parvulos 14. complectitur denarius Aquile-
 jensis :) quotum habes 3428. denariorum :
 & parvuli 8. supersunt . Divide per 160.
 (quo denariorum numero definiri Marcam
 dicimus :) & quotus erit Marcarum 21. cum
 residuo denariorum 68. & parvulorum octo .
 Item , *Recepit florenos vigintiunum in ratio-*
ne LXIII. denariorum pro quolibet , qui ca-
piunt Marchas VIII. Frix. XLIII. Ducas ve-
 ro 21. in 63. & habebis productum 1323.
 Hanc summam dividas per 160. quotusque
 erit 8. cum residuo 43.

Ad solidorum Marcham sequens attinet
 ratiocinium : *Recepit Marchas soldorum*
triginta : capiunt Marchas XXV. $\frac{1}{2}$. denar.
XXXIV. piæ. IV. Duc 30. in 160. (quot sci-
 licet solidos in Marca solidorum contineri
 ponimus :) productus erit 4800. Duc etiam

12. (constat quippe solidus parvulis duodecim) in 4800. & habebis productum 57600. Hanc summam divide per 14. ut denarii Aquilejenses fiant : quotus erit 4114. & residuum 4. quorum divide per 160. & in novo quoto habebis Marcas 25. denarios 14. qui conficiunt mediam Marcam, cum residuo denariorum 34.

Hæc latiore calamo declarare, & patefacere licuit : utpote quæ mirifice confirmant, quæ superioribus capitibus tradidimus omnia. Patet namque, cufos signatosque nummos Aquilejenses appellatos fuisse *denarios* : aliosque communi in ulu commutationum fuisse, qui *solidi* vocabantur. Denarios, communi & constanti valore, *parvulis quatuordecim* æstimatos : *duodecim* tantum valuisse solidos : atque parvulos istos, sive qui componerent solidum, sive qui denarium, dictos esse *Veronenses*. Monetam denique exteram indicari *solidos* ea loquendi ratione, quæ frequentius adhibetur : v. gr. *Libras Veronensium ducentas, quæ capiunt in Monetæ Aquilegensis denarius &c.* quo etiam modo ratiocinia Ducatorum, exteræ sine dubio monetæ, supputata legimus : *Ducatos quadringentos, in ratione denariorum sexaginta trium, & parvorum decem pro quolibet Ducato : capiunt Marchas 159. Frix. 45. piz. 10.*

III. Præter hanc denariorum, solidorumque Marcam, quæ usur communi in negotiis & ratiociniis adhibebatur, alia distingui Marca consueverat ad *usum Curie*. Hujusce valorem, magnum quidem, ingentemque, indicat conventio sequens, quam exhibens Tabulæ anno *M.CCC.LXVIII. indictione V. die Sabbati III. Mensis Julii. confectæ Utini in Capella S. Petri prope Majorem Ecclesiam S. Marie de Umo*. "Item quod prædicti, Frater
 „ Meus, & Fratres teneantur & debeant,
 „ nomine census, singulis annis dare, &
 „ consignare fructus seu redditus *unius Mar-*
 „ *cæ reddituum ad usum Curie*, supradictis
 „ Decano, Canonicis, & Capitulo in Fe-
 „ sto Nativitatis Domini nostri Jesu Chri-
 „ sti, vel ante. Videlicet Frumenti staria
 „ sex, Avenæ staria sex, Millii staria sex,
 „ Vini congia quatuor, denarios viginti-
 „ quatuor, Gallinas quatuor cum ovis, &
 „ Surgi stariarum unum. " Expende, quot gra-
 „ norum, & vini mensuræ requirebantur, ac
 „ insuper denarii, & alia ad æquandum va-
 „ lorem *Marce ad usum Curie*.

Lux affulget splendidior ex Codice MS. Belloni, in quo hæc habentur: *Nota quod ex qualibet Marca de redditu ad usum Curie, communi estimatione percipiuntur quinque Marchæ denariorum*. Ita scil. jam pridem adnotasse Odericum & Joannem Susannios, Patriarcha-
 rum

rum Ludovici & Marquardi Cancellarios, admonet Bellonus. Quinque Marcæ continent denarios 800. Divide per 63. (quot nempe denarii, Nicolai & Ludovici Patriarcharum ætate, supputabantur pro quolibet aureo Ducato Veneto, vulgo *Zecchino* :) quotus est 12. ac supersunt 44. Itaque *Marcæ ad usum Curie* excedebat duodecim Aureos Ducatos.

Rem confirmant Tabulæ sequentes, quas debeo Jo. Josepho Liruto. “ Anno Domini
 „ MCCCLXXXIV. indictione II. die Sab-
 „ bati XIX. Mensis Decembris. Actum in
 „ Civitate Austriæ Aquilegen. Diocesis,
 „ super Domo Communis in Stupa, in qua
 „ dictæ Terræ Civitatis Austriæ solet Con-
 „ siliium congregari. Præsentibus ec. Quod
 „ pro recompensa dicti census de cætero
 „ annuatim, prima die Mensis Aprilis,
 „ XXV. *Ducat. Auri* dicto Plebano Ecclesiæ
 „ S. Mariæ de Glemona, ejusque Succes-
 „ soribus, vel eorum Locumtenenti in di-
 „ cta Plebe, perpetuo solvere teneantur.
 „ Ita tamen, quod quandocumque inter
 „ dictam primam diem Aprilis, & Festum
 „ Assumptionis B. M. Virginis, Plebanus
 „ Ecclesiæ S. Andreæ, vel Successores sui,
 „ seu Communitas Ventioni dederint, &
 „ consignaverint eidem Plebano Glemo-
 „ næ, vel Successoribus suis, *duas March.*

„ de

PATRIARCHARUM AQUILEJENS. 63

„ *de redditu ad usum Curie* :.... præfatus
 „ Plebanus Ecclesiæ S. Andreæ, successo-
 „ resque sui, ab onere prædicto solvendi
 „ dictos *XXV. Ducatos auri*, ut dictum est,
 „ ex tunc in antea perpetuo remaneant &
 „ sint absoluti, & liberati. „ Perspicue pā-
 „ tet, duarum Marcarum Aquilejensium
 „ valorem ita fuisse ea tempestate æstimatum,
 „ ut æquivaleret Venetis Ducatis auri vigin-
 „ tiquinque : singulæ videlicet Marcæ duo-
 „ decim Ducatis cum dimidio.

Ex his, quæ compertissima sunt, corri-
 gendum sphalma venit, quod in verbis qui-
 busdam Antonii Belloni cubat in Aloyfio
 Scarampo Mediarota Patriarcha, apud Mu-
 ratorium in collectione Scriptorum Italiæ.
 Verba sunt: “ Scriptum reperio apud Ben-
 „ venutum Messetinum, Patriarcham A-
 „ quilejensem, ultra Canipas & decimas
 „ Muglæ, duodecim Millia Marcharum ad
 „ usum Curie in annuo censu habuisse: qua-
 „ rum quælibet Marcha quinque denarios
 „ valebat, authore Johanne Susannio. „
 Corrige, ac lege : *Quarum quælibet Marcha*
 (scilicet ad usum Curie) *Marchas quinque*
 (communes) *denariorum valebat.*



CAPUT VII.

Fetto, sive Forto, nummus itidem arbitrarius, & quarta pars Marcæ. Libra denariorum, & libra solidorum. Marcæ hodiernæ valor.

I. **M**arca, nummus arbitrarius, in partes quatuor dividebatur, seu quatuor nummos pariter arbitrarios, qui *Fertones*, & *Fortones* dicebantur. In Codice *Rationum* Ludovici Turriani Patriarchæ, frequentius ratiocinia legimus ita subducta: v. g. *Recepit Marchas denariorum duas, Fortones tres, & denarium unum*. Edunciari *Fertones* ut plurimum solent, cum denariorum numerus, aut solidorum, minor est ipsius Marcæ valore & quantitate: verum & aliquando *Fertonum* numerus Marcam superat, & *Marcas* plures. In *Membranis Foro-Julienfis Archivi* hæc legimus: Anno 1276. *Quingentos & octoginta tres Fertones, viginti unum denarios, & octo Veronenses*. Anno 1297. *Septem Marchas, tres Fertones, & sex denarios Aquilegensis monete*. Anno 1324. *Fortones denariorum novorum Aquilegen.*

PATRIARCHARUM AQUILEJENS. 67

gen. moneta. Anno 1362. Fortonibus tribus denariorum Aquilegensium.

Vox eadem occurrit in *Scheda* Joannis Cabrospini, *indicante, quoniam tunc* (anno 1356.) *foret variorum nummorum aestimatio*, apud Doctissimum Muratorium de Antiquitatibus Italicis medii ævi Dissertat. XXVIII. Tomo II. pag. 783, Nempe: *Item in qualibet Marcha sunt IV. Fertones*; agiturque eo loco de *Marcha grossorum argenti Bohemia*, *quæ valet communiter 48. grossos Pragenses, vel 24. Scotos*: & *grossus Pragensis 16. denarios*. *Marcæ multiplicis varietatem animadvertit. Quæ Ducangius habet in Glossario Mediæ & infimæ latinitatis, hoc loco subjicio. "Ferto, Fertum, "* (*Fortbo, Firto,*) *Voces ejusdem ac unius "* notionis, sed & ejusdem originis ac *Fer-* *thing* (vox Saxonica:) quarta pars *Mar-* *cæ.* *"* Pro varietate *Marcæ*, plures paucioresque solidos, aut denarios complectebatur *Ferto*. Laudatum consule Ducangium. *Ferto* noster Aquilejensis denariis quadraginta constabat, totidemque solidis, pro diversa *Marcæ* denariorum, & solidorum ratione.

II. *Libra* sequitur, in commerciis & rationibus frequentissima. Duplicem Aquilejenses distinguebant: denariorum viginti alteram, & alteram solidorum viginti. Et

fertur utraq̃ue diversimode in vetustis chartis. Anno 1292. *Libras denariorum*. 1293. *Centum librarum Veronensium parvulorum*. 1306. *Libras denariorum Aquilejensis monete*. 1392. *Trecentas libras monete parvæ, & ducentas libras novorum parvorum*. 1441. *Libras soldorum*. 1455. *Libras viginti solidorum*. In Codice Rationum Ludovici a Turre Patriarchæ: *Libras Veronensium ducentas*. *Libras Veronensium quadringentas*: Pretio mille librarum Veronensium: *Libras parvorum* 149. & *soldos sex*.

Libra, quæ dicitur *denariorum*, constabat omni procul dubio viginti Aquilejensibus denariis, quorum singuli *quatuordecim parvulos* seu *Veronenses* valebant: totidemque solidos, *duodecim parvulis* seu *Veronensibus* constantes, continebat libra, quæ dicitur *solidorum*. An vero libram *monete parvæ*, seu *parvorum*, seu *Veronensium*, conficerent nummi *parvuli* duntaxat, iidemque viginti? Minime. Ita namque diversimode exprimebatur libra, propterea quod inter contrahentes iniri conventiones consueverat, ut solutiones fierent, vel numeratis denariis solidisque, vel numeratis etiam parvulis. Quo pariter sensu intelligitur libra *denariorum novorum*, & *novorum parvarum*: quod novis nempe numeratis denariis, aut novis parvulis nummis merces

eme-

emebantur, aut alia constituebantur contractuum genera. Rem patefaciunt verba, quæ profero ex Tabulis Nicolai & Ludovici Patriarcharum, Capite I. allatis: *Et in qualibet solutione cujuslibet mercationis, vel debiti, teneatur quilibet recipere usque ad summam decem solidorum parvorum, seu centum & viginti eorundem parvorum.* Hæc nempe Principis jussio, communis omnibus: alia etiam pacta inter se constituebant contrahentes. Quod ajo demum, sequens ac similia plura confirmant ratiocinia: *Libras parvorum 149. & solidos 6.* ubi solidi, qui in fractione enunciantur, satis indicant integras libras ex solidis confectas, qui duodecim parvulos valebant.

III. Ad libræ valorem redigere si velimus Marcam, sive quæ denariis Aquilejensibus conficiebatur, sive quæ solidis: utraque, cum nummis 160. constaret, libras octo continebat: libras nempe denariorum illa, solidorum ista. Attamen continuatores Bollandi in Notis ad Epistolam B. Bertrandi Patriarchæ ad Decanum Aquilejensem, admonent: *Marcam valuisse tunc libris sex minutis octo*: allegantque auctoritatem Suardi. Apertissimum sphalma rejice. Accuratiores est Justi Fontanini in Epistola *delle Masnade* adnotatio: *Marca una valebat, inquentis, libras novem, denarios sex, &*

parvulos octo : quod intelligi tamen debet habita ratione ad pretium, usumque hodiernum monetae Venetae.

Res est paullo diligentius, dilucidiusque pertractanda. Jamvero adnotavimus, octo libris denariorum constituisse Marcam, quæ dicebatur *Marca denariorum* : totidemque solidorum libris eam, quam *Marcam solidorum* appellabant. Nicolai Patriarchæ & Ludovici successoris ætate, cum denarii Aquilejenses 63. vel 64. æquarent valorem Veneti Ducati aurei; sponte fuit, Marcam unam denariorum perinde ea tempestate fuisse, quod attinet ad valorem, ac Ducatos duos auri cum dimidio. Atqui demum post hæc tempora, in pejus redacta re Monetaria, denariisque ac solidis tum pondere, tum nota deterioribus factis, duplex effluxit Marca : altera octo libras solidorum monetæ Venetæ hodiernæ continens : altera novem solidorum libras, solidos sex, & parvulos octo : illa ex Marca solidorum profluens, ista ex Marca denariorum : ac utraque in Provincia Forijulii adhuc in usu est.

Cur ita ? Nempe denarii valebant *quatuordecim* parvulos : *duodecim* duntaxat solidi. Hinc discrimen prædit in librarum numero. Duc enim denarios 160. in 14. parvulos : productum habes 2240. parvulorum.

Hanc

PATRIARCHARUM AQUILEJENS. 71.

Hanc divide summam per 12. (quot nempe parvulis conficiebatur solidus :) quotus est 186. solidorum , ac residuus parvulorum octo : qui libras conficiunt novem , solidos sex , parvulos octo . At solidis demum 169. constantur libræ octo , absque ullo residuo ,



C A P U T VIII.

Inita conventiones declarantur de cudenda moneta Aquilejensi : ac primo Marca seu Marcus, pondus octo unciarum. Ex una Marca conficiebatur denarii ducenti quadraginta & octo . Quatuor siliquas , vulgo Carati , singulorum pondus excedebat . Hæc nempe ad ætatem spectant Nicolai Patriarchæ , & Ludovici Successoris . Adhibiti argenti nota expenditur .

I. **T**Abulas Capite primo descriptas , jussu Nicolai Patriarchæ anno 1356. & Ludovici Turriani anno 1359. confectas , exponere jam aggredior , ut cudendæ Monetæ ratio in Aquilejensi Patriarcharum of-

ficina innotescat. Verba illa primo occu-
 runt : “ Quod ipse Franciscus debeat face-
 re, vel fieri facere ... monetam hujusmo-
 di bonam, & puram: videlicet *de unciiis*
quatuor argenti Venetorum grossorum, &
tribus quarteriis pro quolibet Marcho: de
 qua moneta debeant *viginti solidi, & octo*
denarii Aquilejenses ponderare *Marchum*
unum. „ Item: “ Et de ipsa Moneta
 non possit expendere, nisi de quacumque
 scossa prius fiat sazum in pondere, &
 igne. Quod sazum debeat esse *de uno*
Marcho in pondere, & de uno quarterio
 uncia in igne. Debent enim pondere *vi-*
ginti solidi & octo denarii facere *Marchum*
unum. Quod si essent *quatuor denarii ma-*
gis, aut quatuor minus, approbentur boni
 denarii. „ Itemque demum: “ Quod idem
 Franciscus debeat facere, aut fieri facere
 sazum in igne. *de uno quarterio uncia,*
quod est gravorum centum & quadraginta
quatuor pro quarterio: & debet reddere
 pro quarterio de argento *fino grana octua-*
ginta duo, & dimidium. Ita tamen, quod
 si reddiderit *de granis octuaginta & dimi-*
dio, debeant approbari boni denarii. „

Marcus, qui & Marca, non accipitur hoc
 loco pro nummo arbitrario, quem exposui-
 mus, centum & sexaginta denariis, aut to-
 tidem solidis, pro ejusdem Marcæ varia-
 te,

te, constante: sed intelligitur pondus. Rem conficiunt ipsa, quæ descripsimus verba: *De qua moneta debeant viginti solidi & octo denarii Aquilegenses ponderare Marcum unum.* Ac rursum: *De ipsa moneta non possit expendere, nisi de quacumque scossa prius fiat sazum in pondere, & igne. Quod sazum debet esse de Marcho uno in pondere* Debent enim viginti solidi, & octo denarii facere Marcum unum. Monetæ examen, quod Sazium in Tabulis dicitur, Italis Saggio, ita dictum appellatumque a voce perantiqua latina, *Exagium*, comprobatur ex vetustis nummis, documentis, & Scriptoribus Muratorius Tomo II. Antiq. Italic. in calce Dissert. XXVII.

Hujusce ponderis, sive Marci, quantitatem primo videntur aspectu ea verba definire: *Debeat facere, vel fieri facere Monetam hujusmodi bonam & puram, videlicet de unciiis quatuor argenti Venetorum grossorum, & tribus Quarteriis pro quolibet Marcho*: ac si Marcus in Officina Monetaria Aquilejensi nonnisi quatuor argenti uncias, ac tres uncie quadrantes ponderaret. Non ita se res habet. Quantitas imo solius argenti adsignatur, quæ adhiberi pro quolibet Marco debeat: eademque definitur quatuor unciiis, & tribus quadrantibus argenti Venetorum grossorum. Hinc pondus integri Marci non explicatur: subintelligendumque relinquitur,

præ-

prædictis *argenti Venetorum grossorum unciiis quatuor & tribus quateriis* tantum addi inferioris materię debere, quantum satis esset ad *Marci* pondus, notum quidem compertumque in officina Monetaria.

Apud Joannem de Janua *Marca* dicitur pondus quoddam, scilicet *media libra*, ut dicitur *Marca argenti*. An ergo *Marca*, seu *Marcus* par pondere fuerit *sex unciiis*, cum idem Lexico-graphus *libram* adnotet, constare *duodecim unciiis*? Admonet Ducangius in Glossario; *Apud nos* (nempe Gallos) *Marcham duplicatam libram efficere, qua dividitur in sexdecim uncias*. Constabat *Marca Veneta*, (ut alias prætereamus,) hodieque constat *unciiis octo*: ponderat uncia *centum quadraginta quatuor siliquas*, vulgo *Carati*: & siliqua quælibet dividitur in *quatuor grana*. Pro certo habeo, hanc *Venetam Marcam* in usu fuisse apud *Aquilejenses* in officina Monetaria: quemadmodum & uncias *Venetas* adhibitas ab eis esse, ea satis indicant verba, quibus *argenti examen in igne fieri* jubetur *de una quaterio uncie*, quod est *grana centum quadraginta quatuor*, idest siliquæ triginta sex: quæ si ducantur in 4. integrum uncie productum habes, seu 144. siliquas. *Marcus* ergo *Aquilejensis* fuerit octo unciarum: qui in officina Monetaria confici consilarique debebat

qua-

quatuor unciiis argenti grossorum Venetorum, & tribus uncia quadrantibus, ac rursus tribus unciiis cum uno quadrante inferioris materiz.

II. Id facilius, ac tuto deprehendi ut liceat, ea Tabularum verba ponderanda sunt : *De qua Moneta debent viginti solidi, & octo denarii Aquilejenses ponderare Marcum unum.* Item : *debent enim in pondere viginti solidi & octo denarii facere Marcham unum.* Quibus in locis tum *solidi*, tum *denarii* distinguuntur : ac sane *denariis* compositos *solidos*, verba enunciant. Ipsi *denarii* vocantur *Aquilejenses*, nummi sine dubio cusi signatique, quorum valorem communi usu & foræ æstimatum fuisse *quatuordecim parvulorum Veronensium* pretio, ex eisdem Tabulis, quas illustramus, aliisque ex monumentis, jam confecimus. Non ita *solidus* prædictis in verbis usurpatur : sed pro nummo non cuso, pluribus *denariis Aquilejensibus* constante, sumi debet. Quoties namque in eisdem Tabulis nummi signati & cusi memorantur, eorumque definitur valor, hi semper *denarii* vocantur, nunquam *solidi*. Sequentia accipe verba : “ Teneat (custos a Patriarcha deputatus) unam clavem : & dictus
 „ Franciscus aliam, loci seu cassellæ, ubi
 „ stabunt ferramenta pro cusione dictæ mon-
 „ netæ, & denarii monetari. „ Insuper de-
 nun-

nunciatio injungitur : “ quod prædicti *denarii* recipiantur in quolibet foro, & cambio per quemcumque, *pro quatuordecim denariis parvulis* quilibet. „

Quot vero numerandi sint denarii, qui *solidum* huncce, nummum arbitrarium, conflaverint ? Nihil dubites, denarios duodecim numerandos esse : quemadmodum & solidus nummus cusus, duodecim constabat parvulis. Non absimile exemplum præbent vetusta apud Veneros documenta, quæ produnt, *solidum* quemdam arbitrarium ex *grossis* compositum, ipsumque *duodecim grossis* constantem. Unde conficitur demum, *viginti solidos & octo denarios Aquilejenses*, qui nostris in Tabulis enunciantur ponderi unius Marcæ octo unciarum æquales, perinde esse ac 248. denarios Aquilejenses.

Quod ita conjeceram, extra dubitationis aleam positum lego in Tabulis, quas Comes Franciscus Beretta ostendit, ab laudato Jo. Josepho Liruto acceptas. “ In Christi nomine Amen. Anno Nativitatis ejusdem
 „ M.CCC.LVI. Indictione IX. die XX. mensis Februarii Providus vir Magister
 „ Gabriel aurifex de Civitate Austria, per
 „ Reverendissimum Patrem & Dominum
 „ Dominum Nicolaum, Dei gratia Sanctæ
 „ Sedis Aquilegensis Patriarcham, deputatus
 „ faziator Monetæ novæ Aquilegensis,
 „ quam

„ quam cudit in Aquilegia Magister Zac-
 „ chettus... de centum Marchis & tribus
 „ unciis in pondere dictæ Monetæ nuper
 „ cusis per eundem Magistrum Zacchet-
 „ tum : extraxit more solito unum Mar-
 „ chum in pondere dictæ monetæ . Quo
 „ ponderato, & postmodum numerato, re-
 „ pertum fuit habere in numero Marcham
 „ unam cum dimidio & Frix. quinque. „
 Marcum hoc loco habes pro pondere accep-
 tum, octo scilicet unciarum : & Marcam
 habes, nummum non signatum, centum sexa-
 ginta denariis, seu Frixachensibus cusis con-
 stantem. Atqui *Marca* integra, & *dimidium*
Marcæ, & *denarii quinque* summam efficiunt
 denariorum 245. Adhuc tres requiruntur,
 ut definita habeatur 248. denariorum sum-
 ma. At nullum inde ingeri negotium ; ex
 illis Tabularum verbis colligo : *Quod si es-*
sent (in examine ponderis) *quatuor denarii*
magis, aut quatuor minus, approbentur boni
denarii. In eo ponderis examine, quod Ma-
 gister Gabriel perfecit, deprehensum fuit,
 ex uno Marco argenti, seu octo ex unciis
 materiæ ad cudendos nummos paratæ, du-
 centos & quadragintaquinque denarios *in*
numero cusos fuisse confectosque : adeoque
 veluti *bonos denarios* adprobandos.

Hocce examen, quod initum perfectum-
 que fuit anno 1356. die 20. *Menfis Februarii*,

tem-

tempore præcedit Nicolai Tabulas, quas illustramus, eodem anno 1356. datas die 18. *Mensis Octobris*. Eodem sensu intelligi debent, quæ sequuntur hujusmodi examina sub Ludovico Turriano. " M.CCC.LX. in-
 ,, dictione XIII. die XIII. Februarii. A-
 ,, quilegiæ in Camera superiori Patriarcha-
 ,, lis Palatii: præsentibus, Reverendissimo
 ,, in Christo Patre & Domino nostro Do-
 ,, mino L. Dei gratia Sanctæ Sedis Aquile-
 ,, gensis Patriarcha dignissimo, ac Ven. &
 ,, Discretis Viris Dominis Fratre Guidone
 ,, Abbate Mosacensi, & Ambrosio de la
 ,, Turre Canonico Aquilegenſi, Hermaco-
 ,, ra de Murucio etiam Canonico Aquile-
 ,, genſi, ac Nob. Virō Domino Pertoldo
 ,, de Muruccio, & Johanne Notario q. Gu-
 ,, bertini Notarii testibus, & aliis pluribus.
 ,, Facta fuit tracta Monetæ de Marchis qua-
 ,, dringentis quinquaginta quatuor cum di-
 ,, midia in pondere: & inventa fuit Mar-
 ,, cha de solidis viginti & Frix. 8. (*idest,*
 ,, *de denariis Aquilejenſibus ducentis & qua-*
 ,, *draginta octo*) in numero. Et sciztum de
 ,, uno quarterio de igne: inventum
 ,, fuit grana octuaginta duo de argento fi-
 ,, no. Quæ omnia approbata & laudata fue-
 ,, runt, bene & legaliter ac iuste in ponde-
 ,, re, & liga fore inventa &c. ,, Alias Ta-
 bulas profero: " M.CCC.LX. indictione
 XIII.

XIII. die XXVII. Aprilis. Aquilegiæ.....
 „ Facta fuit tracta Monetæ novæ Aquile-
 „ genſis de Marchis quadringentis decem
 „ & octo in pondere : & inventa fuit Mar-
 „ cha de ſolidis viginti, & Frix. novem in
 „ numero &c., (*ideſt, de denariis ducentis &
 quadraginta novem.*) Caſum habes in utrius-
 que Patriarchæ, Nicolai, & Ludovici, Ta-
 bulis poſitum, quò denarii, qui uno ex Mar-
 co confici debent, aut excedunt, aut non
 adæquant numerum denariorum 248. *quatuor
 magis aut quatuor minus.*

Alio modo idem examen expreſſum enun-
 ciant Tabulæ ſequentes. “ M.CCC.LX. in-
 „ diſtione XIII. die ultimo Februarii. A-
 „ quilejæ in Sala Domus de la Moneta :
 „ præſentibus &c. Facta fuit tracta de Mar-
 „ chis quadringentis & ſeptem cum dimidia
 „ in pondere : & inventa fuit Marcha
 „ de marbj ſexaginta duabus & uno Frix.
 „ in numero . Et ſazium de uno quarte-
 „ rio unciz de igne : inventum fuit
 „ grana octuaginta duo de argento fino. „
 Item. “ Anno M.CCC.LX. indiſtione XIII.
 „ die VIII. Martii. Aquilegiæ &c. Facta
 „ fuit tracta de Marchis ducentis trigin-
 „ ta octo in pondere : & inventa fuit Mar-
 „ cha de marbj LX. & Frix. VIII. &c. „
 Quamvis vox indicetur non illa compen-
 diaria

diaria matb), nondum mihi, fateor, exploratum est. Pro certo habeo, intelligi nummum quemdam apud Aquilejenses Monetarios arbitratium debere, denariis quatuor constantem. Duc vero 4. in 62. productum habes denariorum 248. Adde unum: fit summa 249. Duc etiam 4. in 60. & productus numerus erit denariorum 240. Adde novem: summa conficitur 249. Tot scilicet denarios habes ex uno Marco confectos, quot etiam complectuntur *solidi viginti*, & *Frix. novem*, in aliis Tabulis enunciati. Quidni vero conjectari tandem liceat, verba illa ita legi oportere, & *inventum fuit Marcha de majoribus*? Intellige majorem monetam, vel majorem denarium, nummum apud Aquilejenses arbitratium, valore idealiter ferme æqualem *Grosso*, cuso apud Venetos nummo, solidis hoc ævo argenteis quatuor constante. Unde sensus fuerit, in examine monetæ inventum esse, Marcam unam uncias octo ponderantem reddidisse *majores* denarios, seu grossos 62. cum uno *Frixachensi*, idest Aquilejenses denarios 249.

III. Quæ cum ita se habeant, jam facile singulorum denariorum pondus innotescit. Marcus, seu Marca, (pondus,) octo constat unciis: uncia vero 144. filiquis, vulgo *Carati*: filiqua granis quatuor: adeoque integer Marcus, seu Marca inte-

gra continet 1152. filiquas. Quæ distribui si debeant per 248. denarios, jam singulos noveris ponderare filiquas quatuor cum dimidio: ac residua sunt grana 144. iterum per singulos denarios distribuenda.

An ergo hocce fuerit pondus denariorum, quos sub Nicolao & Ludovico Turriano cusos Musæa servant? Ad lancem Venetam examine facto, ponderant alii filiquas quatuor: excedunt alii, uno vel duobus granis. Hæc satis sunt ut ratiocinia nostra recte instituta dignoscantur. Sunt vero Nicolai & Ludovici denarii, qui ad pondus definitum, ad eandem lancem Venetam expensi, non pertingunt: at causa fuerit, quod ipsi nimium attriti sint longo eorum usu, passique fuerint magis minusque detrimenti ex terræ locis, unde sunt effossi. Hinc pondus, quod exstantibus denariis inest, pro certa regula certoque dato sumi non debet ad ipsam rationem cudendæ monetæ in Tabulis præscriptam tuto explorandam. Fieri id etiam fortasse potuit, ut nummos minoris ponderis cuderint laudati Patriarchæ: de quibus cudendis, signandisque conventionum Tabulæ desiderentur.

IV. Superiorum Patriarcharum ævo, ponderosiores hujusmodi fuisse denarios, eosque puriore ex argento confectos, ipsa docet experientia. Qui cusi sunt, Volcheri,

Bertoldi, Gregorii, Raimundi, Petri, Otoboni jussu, ab anno 1204. ad annum 1318. ponderant plerique filiquas quinque cum dimidio: sex filiquas æquant aliqui, sub Bertoldo & Gregorio signati. Pagani Turriani, & Beati Bertrandi denarii, ab anno 1318. ad 1350. ponderare deprehenduntur filiquas quatuor cum dimidio, ac etiam quinque integras. Denariorum Nicolai, Ludovici, & Marquardi sequitur pondus, ab anno 1350. ad annum 1381. quod ad lancem Venetam examinatum, æquare filiquas quatuor, & eas excedere deprehensum est. Sequiorem demum ætate, cum Sedem Aquilejensem Alenconius, Joannes de Moravia, Antonius Cajetanus, Antonius de Portuuario, & Ludovicus Techius administrarent, denarii occurrunt tum pondere, tum alienæ materiæ admixtione deteriores: ipsorumque pondus reddit filiquas quatuor, tres item cum dimidio, ac etiam tres tantum.

Quo tamen experimento iterum animadverto, justum colligi non posse pondus, quod inerat denariis in officina Monetariaculis. At illud vero certum exploratumque fit, *denariorum solidos minime viginti cum denariis octo*, seu *denarios minime ducentos quadraginta & octo* semper, sed plures ævo sequiorem, pauciores remotiore ætate, numerandos in examine ponderis fuisse,

se, ut Marcum unum, unciiis octo constan-
tem, æquarent. Fac enim, 248. denarios
ponderare singulos v. gr. *quinq̃s siliquas* :
prodit summa siliquarum 1240. hoc est octo
& octoginta supra Marcum. Fac etiam, 248.
denarios ponderare singulos v. g. *quatuor tan-*
rum siliquas : prodit summa siliquarum 992.
hoc est, centum & sexaginta infra Marcum.
Jam vero de re satis, quæ splendidissime patet.

V. Ad ipsum Marci, seu Marcæ pondus
redit sermo : quod unciiis octo definitum
esse, hætenus ostendimus, confirmat-
que præterea denariorum examen igne per-
ficiendum. Tabularum verba sunt : “ Item
,, quod idem Franciscus debet facere, vel
,, fieri facere lazium in igne *de uno quarto-*
,, *rio uncie*, quod est *grana* 144. pro quar-
,, terio. Et debet reddere pro quarterio *de*
,, *argento fino grana* 82. & *dimidium* : ita
,, tamen quod si reddiderit *de granis* 80. &
,, *dimidio*, debeant approbari boni dena-
,, rii. ”

Facilius ratiocinia ut fiant, grana redu-
cere liceat in siliquas, & uncie quadranti
integram substituere unciam. Si puri argen-
ti grana 82. & dimidium contineri in qua-
drante debeant ; siliquas 82. & grana duo,
seu dimidium siliquæ, integræ continebit
uncia. Jam recale, argenti quantitatem,
quæ Marci ponderis partem confiscare de-
beat,

beat, definitam illis verbis esse, quæ *quatuor* enunciant *uncias argenti Grossorum Venetorum*, & *tria quarteria* : quæ nempe siliquas continent 684. Sed hæc argenti quantitas per tot uncias distribui debet, quot opus illæ sunt, ut singulæ contineant boni argenti siliquas 82. & grana duo, seu dimidium siliquæ. Quod si numerum 684. divides per octo : jam quotus erit 85. cum residuo 4. Nempe supra siliquas 82. & grana duo excessus habetur duarum siliquarum cum dimidia : quibus addi debet residuum 4. ut integer excessus tribus demum constet siliquis.

At exiguo prædicto excessu nemo non videt impedimentum apponi nullum, quominus Marci in officina Monetaria Aquilejensi adhibiti quantitatem iterum constituamus, unciis octo constantem. Porro excessus ille, in conventionibus cum Monetario initis prætermissus neglectusque, aut cedebat in ipsius Monetarii proventum ; aut alia damna compensabat, quæ contingere poterant ; aut aliis ex causis oriebatur, quas diligentius perquirere non vacat. Illud vero certum denique videtur, compertumque, argentum illud pro bono ac puro in Aquilejensi Monetaria officina acceptum fuisse, quod erat *argentum Grossorum Venetorum*, quæcumque demum
hujus-

PATRIARCHARUM AQUILEJENS. 83
huiusce nota, & quicumque puritatis gra-
dus fuerit.



C A P U T IX.

*Marcus adhibitus in cusione parvæ mo-
netæ octo pariter uncias ponderabat.
Singulorum denariorum parvorum pon-
dus, & nota argenti, ex quo illi
conficiebantur, exploratur. De lucro
agitur, quod Patriarchæ obveniebat,
& Monetario.*

I. **P**ARVULOS etiam nummos, dictos *Vere-
nenses*, cudebat signabatque Mone-
taria officina Aquilejensis. Sive pondus eo-
rum, sive notam argenti, ex quo conficie-
bantur, spectes, hæc erat eos cudendi ra-
tio. “ Item quod idem Franciscus possit
„ cudere usque ad mille March. monetæ
„ parvæ: ita quod *quodlibet Marchum* pon-
„ deret *unciam unam argenti Veneti*: & sint
„ in pondere *pro quolibet Marco solidi sexa-*
„ *ginta sex*. Quod si essent duodecim dena-
„ rii parvuli minus, vel duodecim plus,
„ approbentur boni denarii: si vero duo-

„ decim magis , teneatur in sequenti scossa
 „ eos facere de duodecim minus , & e con-
 „ verso.... Et fiat saziū in igne *de dimi-*
 „ *dio quarterie* unius uncie de granis 72. &
 „ debeat reddere de argento fino grana octo ,
 „ & tertios duos. „

Quo in loco *Marcum* intelligo octo uncia-
 rum : conflatum nempe *uncia una argenti*
Veneti, & septem unciis alienæ materiæ. Sen-
 sum confirmant, quæ superiore Capite dis-
 seruimus num. 1. Addo parem ferme cuden-
 dæ monetæ parvæ Venetæ rationem, quam
 Marinus Sanutus in Vita Joannis Danduli
 Ducis ad Annum 1282. sic describit : *Mar-*
cam unciarum octo argenti, (ex quo num-
 muli, vulgo *Bagattini*, ævo illo confecti
 sunt,) *uncia una argenti cum dimidio consti-*
tisse, ac unciis sex æris cum dimidio. Italica
 verba latine reddita sunt.

II. Injunctum Monetario legitur : *ut sint*
in pondere pro quolibet Marco solidi sexagin-
ta sex. Solidos intellige nummos arbitra-
 rios, duodecim parvulis constantes : unde
 parvulorum 792. confurgit numerus. Inte-
 gra Marca octo unciarum ponderat siliquas
 1152. Hanc summam divide per 792. Quo-
 tus est 1. cum residuo 360. Unde Nicolai
 Patriarchæ & Ludovici successoris ætate,
 parvulus quilibet nummus ponderabat sili-
 quam unam : ac insuper siliquæ 360. seu
 gra-

grana 1440. per singulos distribuenda sunt.

Eandem Marci, ponderis, quantitatem indicat examen, in igne perficiendum *de dimidio quarterio unius unciae*: quod reddere debet *de argento fino grana octo, & duos tertios*. Quæ grana cum trientibus ad siliquas, easdemque in uncia contentas, si redigas; in uncia qualibet contineri decem & septem siliquas, ac trientem grani unum, boni argenti debere, facile instituto ratiocinio deprehendes. Jamvero uncia una *argenti Veneti*, seu siliquæ 144. si dividantur per *octo*, quotus erit *decem & octo*; adeoque dubitandi ratio nulla est, quin Marca, (pondus,) in cusione parvulorum nummorum adhibita, pro Marca unciarum octo in officina Aquilejensi Monetaria sumeretur.

At quotus ille 18. si comparetur cum siliquis 17. & uno grani triente, excedit duobus grani trientibus: qui sane exiguus excessus vel fuerit lucrum Monetario obveniens, vel alia de causa in conventionibus cum Monetario initis prætermisus fuerit. Tam minuta per ratiocinium differentia deprehensa constitutam minime convellit quantitatem Marci, quo Monetarii Aquilejenses utebantur.

Nummos id genus parvulos adservant Musæa. Albi sunt alii, qui superiore maxime cudebantur ævo, scilicet puriore ex argen-

to conflati : nigriores alii, quibus plus inerat æris, quam argenti . Illi tenuiores, crassiores isti . Crucem ex utraque parte præferunt alii : in aliorum parte altera visitur Crux, vel stemma gentilitium, in altera Caput Mitra insignitum : legiturque nomen *Patriarchæ Aquilegensis*, vel integre expressum, vel sigla indicatum v.g. B. NB. A. *Bertrandus*, *Moneta Bertrandi*, *Antonius*. Ad pondus quod demum attinet : extat nummulus Bertrandi, qui ponderat siliquas duas : ejusdemque, aliorumque Patriarcharum exant parvuli, qui ponderant vel siliquam unam; vel siliquam, & unum alterumve granum; vel grana tria, vel tria cum dimidio. Quæ demum omnia institutum confirmant ratiocinium de pondere, quod Nicolai & Ludovici Turriani nummulis inesse juxta initas conventiones debebat.

III. De lucro, quod ex Monetæ cusione Patriarchæ obveniebat, & Monetario, pauca postremo loco dicenda sunt . Vocabatur *Tractus*. Pro singulis Marcis, (pondus intellige,) denariorum Aquilejensium, numerare Patriarchæ tenebatur Monetarius *novem denarios* : proque singulis Marcis monetæ parvæ, *solidos duos parvulorum*, scilicet parvulos 24. Tabulas ipsas Nicolai, & Ludovici Turriani lege. Hunc imminutum anno 1361. sub eodem Ludovico Patriarcha,

reda-

redactumque ad *octo* denarios *tractum* fuisse, colligimus ex citato *Rationum* Codice, ubi hæc habentur: “ MCCC.LXI. concessa fuit
 „ cufio, & Magisterium Monetæ Aquilegen-
 „ sis Francisco Bonaquisti de Florentia, a
 „ die omnium Sanctorum ad unum annum
 „ immediate sequentem, pretio quadrin-
 „ gentorum March. denariorum solvendo-
 „ rum in quatuor terminis, scilicet de tri-
 „ bus in tres Menses pro rata: cum hoc
 „ tamen, quod si plus cuderet, tantum plus
 „ debet solvere, ad rationem *octo denario-*
 „ *rum* pro Marcho. „ Lucrum Patriarchæ
 hæc patefaciunt verba.

Quod vero Monetarius reportabat, ex pluribus oriebatur capitibus. Ac primo licebat ipsi, denarios cudere ex materia, quæ pro qualibet uncie quadrante redderet grana *argenti fini octoginta cum dimidio*: tamen si inita conventio foret, ut *pro quarterio* redderentur *de argento fino grana 82. & dimidium*. Ipsa nota, vel gradus argenti, magis minusque puri, qui in officina Aquilejensi pro gradu *argenti fini* constitutus fuerat, lucrum Monetario parere poterat. Id etiam obveniebat ex pretio, quod in emptione *argenti Veneti* solvendum erat, compensando Aquilejensibus denariis, qui *parvulos quatuordecim* singuli valebant. Unde lucrum demum oriebatur ex valore, quem

extrinsecum vocant, denariis Aquilejensibus impositio. Hæc satis,



C A P U T X.

Series denariorum Aquilejensium, cum typis, & inscriptionibus. Animadversiones. Monetaria officina loca.

I. **A** Popone Aquilejensi Patriarcha, cui facultas argentum signandi Anno 1028. facta fuit, ad Volcherum successorem, ad Patriarchalem Metropolitanam Sedem anno 1204. eVectum, vix nummi reperiuntur, quos Monetaria nostrorum Præsulum officina cuderit. Eo temporis intervallo cûsum percussûmque fuisse primum illum, quem exhibet Tabula prima, ambi-
gendi ratio nulla est. Sedens Episcopus visi-
tur, manu dextera pedum Episcopale, librum læva tenens, cum Epigraphe AQ/LEGIA P. visiturque parte in altera ædificium, quod arcus quatuor sustinent, cum duabus turri-
culis, ac media inter illas cruce. Tres num-
mos hujusmodi vidi ego. An Sigla illa P. significet Patriarcham, an Poponem, aut Pe-
grinum primum, vel alterum, quis certo
divi-

divinaverit ? Tempus ergo , quo signatus nummus fuerit , definire non licet . Consule , quæ conjecturis agendo differuimus Capite II. num. 1.

Nummus alter in eadem Tabula sequitur , Episcopi sedentis effigie , ac Templi ædificio insignitus , litterasque detritas quasdam præferens , quæ nonnisi de sædo barba- roque charactere nos docent . Monetæ fabricam si expendas , eamque conferas cum superiore , ac Volcheri nummis , non parum similes eos omnes deprehendunt oculi . An ergo Aquilejensis nummus fuerit ? Id ego non adferam : si quis alius non inepte conjectari posse contendat , per me licet .

Quæ certa est Aquilejensium nummorum series , incipit a Volchero . Typos eorum plurimos vulgavit Muratorius , & exposuit in opere omnigena eruditione referto de antiquitatibus Italicis mediæ ævi , Tomo II. Dissert. XXVII. Menda quædam irrepserunt , quæ detergenda sunt , in nummorum inscriptionibus : nec adeo perita , ac fide manu delineati videntur typi omnes : pluresque desiderantur , quos Musæa servant . Non paucos item vulgatos impressosque videre licet in egregio opere , *Le Antichità d' Aquileja , profane e sacre* , quod Auctorem habet Comitem Jo. Dominicum Bertoli Canonicum Aquilejensem : sed auctiorem ego seriem

seriem profero . Plerosque ipsismet oculis vidi nummos , a se viſos alios retulerunt amici , quos poſſidebat olim Senator præſtantiffimus Dominicus Paſchalicus , ac poſſident Illuſtriſſimi Viri , Apoſtolus Zenus Venetus , qui litterarum ſubſidia , quibus abundat , petenti cuique prono animo ac ſumma humanitate elargitur , Jo. Gaſpar Goritiensis S. R. I. Comes de Lantheriis , Agricola de Agricolis Patricius Utinenſis . Longe ditiffimum Eminentiffimus ac Reverendiſſimus Daniel Delphinus S. R. E. Cardinalis Patriarcha Aquilejenſis cimeliarchium poſſidet , in quo nummi ferme omnes , Antiſtitum præceſſorum juſſu cuſi , quotquot hætenus viſi ſunt , adſervantur . Ex his negotio nullo obtinui , ut deſumerentur typi , qui in adjectis Tabellis proſtant , operam dirigente eruditiffimo Viro mihiſque amiciffimo Dominico Ongaro , Patriarchali Seminario Præſecto , remque ipſam pro ſua erga me benevolentia diligentiffime exequente Mario de Turſio Juvene Patricio Utinenſi , Clericali militiæ adſcripto , egregia indole & ſingulari ingenio prædito , quibus devinctiorem me profiteor , quam ut agere gratias poſſim . Nummorum ſeriem jam accipe .

VOLCHERUS , Patriarcha renunciatus anno 1204. (a)

I. In

(a) Tab. I.

PATRIARCHARUM AQUILEJENSIS. 93

1. In antica visitur effigies Patriarchæ sedentis cum pallio. Crucem dextera, ac læva librum tenet. Epigraphe: *Volfker P.* Pars altera ædificium præfert, arcu superstructum, cum portis patentibus: suntque hinc inde turriculæ duæ. Circum vero legitur, *Civitas Aquilegia*.

2. Differt a præcedente pars averſa, ubi Aquila. Apud Muratorium epigraphe est, *Volfker Ep.* Mendum, quod irrepsit, corrige, ac lege, *Volfker P.* ut in eodem nummo, quem possidet illustris. Comes Dominicus Bertoli Canonicus Aquilejensis. Cur vero *percuſſus hic nummus dicitur circiter annum Christi MCCXX?* Mortem Volcherus obierat anno 1218. eodemque anno in Aquilejensem cathedram conscenderat Bertoldus.

BERTOLDUS, ex Comitibus Andacensibus, anno 1218.

1. Eadem effigies Patriarchæ sedentis, cum litteris *Bertoldus P.* Arcam alteram occupat figura, sublatas manus habens. Inscriptio, *Civitas Aquilegia*. Ad annum Christi circiter MCCXXXIV. referendus dicitur nummus; at nihil ego in nummo video, quod referri ad annum 1234. debeat.

2. Eadem pars prior. In postica visitur porta, tribus turribus pinnatis munita. In utraque parte eadem inscriptiones.

3. Pars

3. Pars Altera Aquilam præfert, arcui vel ponti insidentem.

4. Episcopus dextra pedum tenens, læva crucem elevatam, cum epigraphe, *Bertoldus P.* A tergo ædificium, quod pontis formam habet, cum duabus turriculis, ac media inter illas cruce. Sub arcu caput ornatum cernitur duos inter globos. Inscriptio nulla.

5. Dimidius denarius, ut videtur, denario similis, quem primo loco numeramus.

GREGORIUS de Montelongo, anno 1251.

1. Figura stans, cum litteris, *Gregorius Electus*. In altera facie Archiepiscopus crucem accipit a quodam Sancto, cum inscriptione: *Civitas Aquilegia*.

2. Figura stans cum manibus ante pectus: *Gregori electus*. In averfa parte lilium intra orbem, atque circum litteræ, *Civitas Aquilegia*. (b)

3. Effigies Patriarchæ sedentis, cum inscriptione, *Gregorius Pa.* Alterius partis aream implet lilium cum quatuor stellulis. Epigraphe, *Aquilegia*.

4. Typus idem: Aream posticæ occupat Aquila: Eædem inscriptiones.

5. Pars averfa crucem præfert; cujus latera æqualia: ac intra latera stellulæ visuntur, aut lilia.

6. In

(b) Tab. II.

6. In eadem averſa parte Crux cum lateribus latioribus, & ornatis: & intra latera lilia cum ſtellulis. Typus proſtat apud Muratorium.

7. Dimidius denarius, typo ſimilis denario primo.

8. Nummus parvulus. Crux parva intra orbem, cum litteris, *Gregori Pa.* In altera facie Crux major: ac intra ſuprema latera, *Aquilegia.*

9. Item nummus parvulus. Crux intra orbem, cum epigraphe, *Gregori Patr.* A tergo lilium intra orbem, cum litteris, *Aquilegia.*

RAIMUNDUS A TURRE, anno 1273.

1. Figura Patriarchæ ſedentis: *Raimundus Pa.* Pars altera Turrim exhibet, Turrianæ Familiz ſtemma, ac epigrapham, *Aquilegenſis.* Hujus Monetæ mentio apud Julianum in Chronico Forojuliensi; quod editum proſtat in Appendice ad Monumenta Eccleſiæ Aquilejenſis. Verba ſunt ad An. M. CC. LXXVII. *Mutata eſt moneta, quæ habebat Patriarchæ imaginem intus; & Turrim exterius, quæ valuerat XIV. Vero-*
nenſis.

2. Eadem antica pars: *Raimundus Pa.* A tergo, ſceptra lillata, & decuſſata, cum litteris, *Aquilegenſis.*

3. Pars altera Crucem exhibet, ac in
area

area superiore claves duas, spiritualementem nempe ac temporalem potestatem indicantes : duasque turres in area inferiore, Turrianæ gentis insignia.

4. Nummum memorat loco citato Julianus: *Mutata est*, inquit, superior moneta, de qua num. 1. in *Monetam habentem interius imaginem Sanctæ Mariæ cum Filio, & exterius Aquilegia* (Aquilam,) valentem seu positam XVI. Veronenses. An hujus monetæ typus fuerit, qui inter nummos Raimundi quarto loco numeratur, ac primus exhibetur in Tabula III? (c) An potius idem typus nummo conveniat, quem laudatus Julianus pergit loco citato describere: *Eodem anno*, inquit, *die VII. intrante Aprili*, fuit proclamatum ex parte Patriarchæ, quod ex tunc daretur pro IV. Veronensibus & illa nova, quæ tunc currebat, differens a priori in duabus crucibus parvulis, interius, & exterius? In nummo, quem præ manibus habemus, cruces illæ parvulæ cernuntur: ipseque nummus inauratus est.

PETRUS Gerra, anno 1299.

1. Effigies Patriarchæ sedentis, ut supra. Epigraphe, *Petrus Patra*: ubi pro littera R infirmi & barbara, H vel K delineant alii. In altera facie visitur Aquila cum avitis Familiæ insignibus, ac litteris, *Aquilegenfi*.

OT-

(c) Tab. III.

PATRIARCHARUM AQUILEJENS. 97

OTTOBONUS de Razzis , vel Robarius ,
anno 1302.

1. Protome , seu media superior pars Patriarchæ sedentis : *Otobonus Pa.* In postica sunt Familiæ insignia , & litteræ , *Aquilegensis.*

2. Patriarcha sedens : *Otobonus Pa.* Insignium familiæ summitatem tenet Aquila : *Aquilegensis.*

CASTONUS a Turre , anno 1316. Morte ereptus Patriarchalem Metropolitanam Ecclesiam non adiit.

PAGANUS a Turre , anno 1319.

1. Eadem effigies Patriarchæ sedentis : *Pagan. Patra.* In parte altera Turris cum sceptris liliatis ac decussatis : *Aquilegia.*

2. In postica præter Turrim ac sceptrâ liliata , duæ parvæ cruces aut stellulæ .

3. Nummus parvulus. Crux : *Paganus.* Turris intra orbem : *Aquilegia.*

BERTRANDUS de Sancto Genesio , anno 1334.

1. Crux , intra cujus latera *Deus.* Epigraphe in circuitu : *Bertrand. Patra.* Visitur in altera parte effigies Sancti , dextra librum elevatum , sinistra crucem tenentis , cum litteris : *S. Hmachor* (sic) *Aquilegnf.* Monetam hujusmodi , denario communi majorem , memorat Jacobus Valvasonus de Maniaco in Vitis MSS. Patriarcharum .
Consule Caput V. num. II.

2. Aquila cum epigraphe, *Bertrandus P. Aquilegensis*. Imago Deiparæ, ulnis puerulum Jesum gestantis: *Virgo Maria Avocata mundi*. Denarius communi major.

3. Virgo Deipara, ut supra: *Bertrandus P.* Aquilam præfert pars averſa, *Aquilegensis*.

4. Crux integram aream dividens, intra cujus latera, *Bertrand Patra*. A tergo Archiepiſcopus, ſeu Patriarcha, dextra li-
brum, læva crucem tenens: *S. Hmacbor. (d)*

5. Dimidius denarius, ſimilis denario, quem tertio loco recensuimus.

6. Nummus parvulus. Sigla *Monetam Bertrandi* ſignificat. In parte altera, caput Patriarchæ.

7. Nummus parvulus: Patriarchæ caput, *Bertrand. Patra*. Crux intra orbem: *Aquilegensis*.

NICOLAUS, anno 1350.

1. Leo coronatus, erectos pedes habens, (vulgo, *rampante*,) cum epigraphe, *Moneta Nicolai*. In poſtica crux liliata: *Patre Aquilege*.

LUDOVICUS a Turre, anno 1359.

1. Effigies Patriarchæ ſedentis in Faldiſtorio leonum, cum manu dextera elevata, ac ſiniſtra crucem tenente: *Ludovi. Pa.*
In averſa facie Turris, ex qua prodeunt

ſce-

(d) Tab. IV.

PATRIARCHARUM AQUILEJENS. 99

sceptra duo liliata : & hinc L. indeque V. cum epigraphe : *Aquilegia*.

2. Duo sceptra liliata, & decussata. Intra latera LV. Epigraphe, *Moneta Ludovici*. A tergo, Aquila: *Patriarche Aquilegens*.

MARQUARDUS, anno 1365.

1. Aquila visitur: circum vero, *Moneta Marquardi Pat. Aq.* In altera parte, Proto-
me Episcopi; ac subtus, avita Familiæ insignia. Epigraphe: *S. Hermacoras*.

2. Globus supra pulvinar, sub quo littera M. & in circuitu *Marquardus Pata*. Pars altera crucem exhibet cum octo radiis, quorum quatuor longiora & latiora sunt, cum litteris in circuitu, *Aquilegensis*.

PHILIPPUS Alenconius, anno 1381.

1. Insignia regiæ Francicæ familiæ, cum epigraphe, *Filipus Cardinalis*. Aquila cum litteris, *Patriarcha Aquilegensis*. Error irrepsit in typum apud Muratorium, in quo legitur, *Filipus Cominavis*.

JOANNES DE MORAVIA, anno 1388.

1. Aquila tessellata, *Scaccata*, ut ajunt: *Joannes Patriarch. Aq.* In altera parte sedet Patriarcha in Faldistorio leonum. Epigraphe, *S. Hermacoras*.

2. Cassis pennigera supra Familiæ insignia. Hinc inde stellulæ, seu parvæ crucis. *Joanes Patria*. A tergo, protome Episcopi: *Sanctus* (sic) *Hermachoras*. (e)

G 2

AN-

(e) Tab. V.

ANTONIUS Cajetanus, anno 1395.

1. Scutum gentilitium cum duabus fasciis, seu viperis veru transfixis: *Antonius Patrb.* Hinc inde, A N. Partem alteram occupat Aquila, cum litteris in circuitu, *Aquilegensis*: quæ vox quatuor stellulis interfecatur.

2. Eadem Familiæ insignia: *Antonius Patriarcha*. Crux in postica: & intra latera crucis stellulæ. Epigraphe, *Aquilegensis*.

ANTONIUS de Portugruario, anno 1402.

1. Stemma gentilitium, quod ab insignibus utriusque nummi superioris differt, ut infra num. II. Epigraphe, *Antonius Patriarcha*. Aquila in averfa facie, cum litteris, *Aquilegensis*.

* Nummus parvulus. Sigla A. significare videtur *Antonium*, an *Cajetanum*, an *de Portugruario*, incertum. In altera facie 1579. de quo numero infra.

LUDOVICUS Dux de Tech, anno 1412.

1. Scutum gentilitium: *Lodovicus Dux D. Decb*, seu *Tech*. In altera parte visitur Virgo Deipara cum puero Jesu in ulnis. Epigraphe, *Patra Aquile*.

2. Nummus parvulus. Eadem familiæ insignia. In parte averfa sigla M. cum numeris.

3. Nummorum parvorum posticæ cum eadem sigla M. ac numeris diversis. An
hu-

PATRIARCHARUM AQUILEJENS. 101

hujusmodi parvuli, quos officina Monetaria Aquilejensis cudebat, fortasse numerati, eorumque numerus in typo expressus?

LUDOVICUS Scarampus Mediarota, anno 1439.

Nummus æreus majoris moduli, vulgo *Medaglione*. Pars prior effigiem repræsentat Viri Ecclesiastici, coronam clericalem gerentis. Litteræ in circuitu: L. (Ludovicus) *Aquilegensium Patriarca Ecclesiam restituit*. In postica Milites, pedites, equitesque, procedentes. Epigraphe, *Ecclesia restituta ex alto*. Consule Monumenta Ecclesiæ Aquilejensis Capite CX. & CXI.

Hactenus vero Aquilejensium denariorum series, quos officina Monetaria Patriarcharum, majores, minoresque, & parvulos, cudebat. Sequuntur nummi, 1. *Goritiæ* signatus, 2. *Tergestinus*, 3. *Tirolensis*, qui cum aliis alibi, maximeque in officinis Marcæ Veronensis percussis, communi usu in Provincia Forijulii adhibebantur: vulgo *solidi* appellati, septima parte denariis Aquilejensibus minores; duodecim scilicet parvulis constantes.

In primo Comitum de Goritia insignia visuntur. Epigraphe legitur, *Henricus Comes Goricien*. Crucem præfert pars altera, cum luna, & stellulis intra latera.

In altero Episcopus sedens, qui dextra

pedum tenet, sinistra librum, cum epigraphe *Volricus Ep.* In postica visitur prospectus urbis, cum inscriptione, *Civitas Tergestum*. Nummos Tergestinos plures exhibent Irenæus a Cruce, ac Doctissimus Muratorius.

In tertio Crux cum octo radiis, quorum quatuor longiores, breviores quatuor, aream occupant. Epigraphe, *Meinardus*. In postica Aquila, cum alis expansis, & inscriptione, *Comes Tirolis*. Alios Tirolenses nummos profert laudatus Muratorius.

II. Animadversione in hisce Patriarcharum Aquilejensium nummis digna sunt Familiarum insignia, quæ in eorum plerisque adhibita cernuntur. Observandos præcipue illos exhibeo, qui Raimundi Turrani jussu cusi sunt, Turrim & sceptrâ liliata, nobilissimæ Familiæ sine dubio insignia, præferentes. An etiam lilia, quæ visuntur in nummis Gregorii de Montelongo, insignia fuerint ejus familiæ, non iverim inficias, neque tamen confidentius adfero, cum certa mihi præsto non sint rei documenta.

Hinc Justus Fontaninus in Epistola *delle Masnade* anno 1692. typis edita Venetiis, postea Archiepiscopus Ancyranus, corrigendum merito censet Virum clarissimum Danielem Papebrochium e Societa-

te Jesu, qui tametsi omnigena eruditione floreret, putabat docetque: *prædictis quatuor seculis* (XI. XII. XIII. XIV.) *familia insigniis, seu tesseriis, vulgo Arme, uti in nummis non consuevisse Patriarchas, Episcopos, aliosque Ecclesiasticos: nummosque id genus aliquos, veluti postea cufos fusosque, rejiciendos jubet. At Sedem Aquilejensem ab anno 1273. tenuit Raimundus Turrianus ad annum ineuntem 1299. eique præcesserat Gregorius de Montelongo ab anno 1251. tertiodecimo seculo ultra medietatem provecto, ac versus finem vergente: quorum nummos superius recensitos nemo dixerit postea cufos fusosque.*

Papebrochii sententia, quæ habetur Parte II. *Responsionis ad exhibitionem errorum per R. P. Sebastianum a S. Paulo evulgatam* pag. 474. n. 37. minime rei antiquariæ peritis arrisit. Cæteros hoc loco prætermitto omnes, ac unum memoro Doctissimum Ludovicum Antonium Muratorium, qui de origine *Insignium*, quæ nunc italice *Armi*, & *Arme* appellamus, eodem modo sentiendum putat, atque de *cognominum* origine. De his agit inter ævi medii Antiquitates Italicas, Dissertatione quadragesima secunda: de illis, Dissertatione quinquagesima tertio. Fuere nimirum antiquis latinis *cognomina*, & *agnomina*, quibus inter se una

Familia ab altera distingueretur : nihilo tamen secius *cognomina* nunc usitata , post anum duntaxat a Christo nato millesimum cœpta sunt usurpari . Ita , inquit , & de „ *gentilitiis insignibus* dicendum reor . Hæc „ enim , quamvis apud veteres Latinos , „ & Græcos non levia illorum vestigia occurrant , ubi tamen , qualia nunc sunt , „ considerentur , idest certo colorum ac „ typorum signo ornata , eaque hereditaria , & in sigillis , nummis , vexillis , picturis , aliisque locis ad Familiarum discrimen adhibita , tantummodo post seculum decimum , imo & post undecimum , ac præcipue post susceptam a latinis sacram expeditionem in Orientem , sensim invaluisse videntur . „ Viros eruditione præstantes recenset plures , qui hanc sententiam probarunt : interque Familias nobilissimas memorat illam *Turrrianorum* , sive *della Torre* , qui Mediolani olim dominati sunt , & adhuc in Forojulii effulgent , atque a seculis compluribus eximium nobilitatis locum apud Gallos retinent , *Turrim* pro insigni eligentem .

Sunt alii ferme innumeri apud Scriptores editi nummorum typi Episcoporum , & Abbatum , qui Papebrochii opinionem convellunt . Tergestinæ Ecclesiæ , quæ Aquilejensi Metropolitanæ proxima est ac
suf-

suffraganea, nummos exhibent Irenæus a Cruce in Historia Civitatis Tergesti, & Muratorius Tomo II. Antiquitatum Italicarum mediævi. Arlongi Episcopi, quem Civitatis ejus cathedram anno 1254. conscendisse notat Ughellus, videre nummos licet cum *luna ac stella*, & *sceptris liliatis*, quæ pro Familix insigniis habet Buce- linus Parte I. Germanix sacræ. Hanc ar- gentum signandi facultatem Episcopis Ter- gestinis decimo jam seculo collatam existi- mat Irenæus a Cruce, Tabulas proferens consignatas *anno ab Incarnatione Domini DCCCCXLIX. Mensis Februarii die XXI indictione quarta*: ubi Joannes Episcopus *jus cudendi monetam* transferre inducitur in Cives Tergestinos. Vitiatas tempora- rias notas minus attentus non observavit Irenæus: memoratosque non animadver- tit *denarios Aquilejenses*, qui nonnisi post annum 1028. cudi potuerunt. Tabulas eas- dem ad seculum tertiumdecimum adu- l- tum & provectum spectare, pluribus argu- mentis ostendimus in Monumentis Ecclesiæ A- quilejensis Capite LIV. num. V.

Ad Aquilejenses nummos quod attinet, non pauci altera in parte præferunt vel Aquilam, vel ædificium instar arcis, aut castri cum turribus. Symbola hæc esse ip- sius Civitatis, non dubitaverim. Henri-

cus Imperator in Diplomate Patavinis concessio anno 1049. in altera (*denarium superfluo*) ejusdem Civitatis (*Patavii*) figuram imprimi jussit. Hanc figuram, quæ olim in Januensibus nummis visebatur, Georgius Stella describit Capite IV. Annalium, Tomo XVII. Scriptorum Italiz: *Conradus Rex Alemannus*, inquiens, *Romanorumque Imperator electus* (hujus nominis II.) concessit anno Incarnationis Iesu Dei nostri MCXXXVIII (al. XXXIX.) ut fabricaretur Januensis pecunia, Sunt litteræ, Janua, in ejus nummi altera facie in extremitate rotundi, medietateque figura arcis & castri cum turribus. Castrum ipsum, sicut monstrant hæ litteræ, Janua, Januensem significat urbem. Pari ergo ratione Civitatem nostram Aquilejam, a Popone Patriarcha instauratam, significat quod in nummis visitur ædificium, aut turribus munitum, aut arcibus superstructum, aut certe portas patentes præferens. Adnotat laudatus Stella, pro Civitate Januæ in pecunia formam Castri positam fuisse, quod erat illis temporibus apud Templum Sancti Silvestri & Sanctæ Crucis, tanquam formam loci ipsius Civitatis præcipui. Quidni ad Aquilejam etiam civitatem indicandam, positum in nummis Patriarcharum fuerit, quod in ea præcipuum ædificium erat, Templum a fundamentis
 cre-

erectum a Popone, ac adjunctæ Patriarchales ædes? Hujusce symboli loco Aquilam præterea adhibuerunt Monetarii. Cur vero? Quia *urbi, cum conderetur*, (verbis utor Juliani Cæsaris in Oratione II. de gestis Constantii) *Aquila, dextra ex parte cælitus advolans, de sua nomine vocabulum imposuit*. Ita nempe vulgaris fama ferebat.

Inter hæc symbola, quemadmodum vetusti, ac recentes, & aliorum populorum nummi, ita Aquilejenses Crucem præferunt. De hac consuetudine, cruce signandi usuales ipsos nummos, quos in rerum commutationibus damus & accipimus; deque rationibus, quæ Christianos Principes permovere potuerunt, ut pecuniam cruce decorandam putarent, late differit contra Auctorem Apiarii Gretserus Tomo I. de Santa Cruce Libro II. Capite LVI. & Tomo III. Libro I. Capite tertio, & seqq. Lilia etiam apparent, & globi, & stellulæ, quibus nummos a Monetariis insigniri consuevisse, notum est compertumque.

Ad Familiarum insignia sermo redit, quæ nummis Patriarcharum seculi quarti-decimi imposita cernuntur, Petri, Ottoni, Pagani, Nicolai, Ludovici Turriani, Philippi Alenconii, Joannis de Moravia. Hos excipiunt Antonius Cajetanus, & Antonius de Portogruario, quorum

rum nummos Scuta gentilitia diversa distinguunt . Fasciæ duæ , seu viperæ , ut ajunt , veru transfixæ , repræsentantur in Stemmate Cajetani . Simile prostat apud Ciaconium in Vitis Romanorum Pontificum & S. R. E. Cardinalium , Tomo II. editionis Romanæ anni 1677. ubi tamen longe diversum ab eo , quod nummi nostri exhibent , conspicitur gentilitium scutum Antonii de Portugruario , seu Panzerini .

III. Ad officinæ Monetariæ loca spectat postrema nostra animadversio . Frisaci in Carinthia ut cuderentur Aquilejenses nummi , post Poponem fortasse curarunt nonnulli Patriarchæ , nondum Aquilejæ , vel alio in loco Provinciæ Forojuliensis instructa Monetaria officina . Conjecturam ingerit ea nummorum *Fresachensium* in vetustis Provinciæ chartis appellatio , quos eisdem omnino cum denariis Aquilejensibus ostendimus Capite IV. Signatos percussosque aliquando Venetiis hujusmodi nummos , evincere videntur Alexandri Papæ IV. litteræ ad Gregorium de Montelongo , Capite 1. num. 2. descriptæ : quibus *juris cudendi monetam , quoad Te* , (inquit Summus Pontifex ,) *in Patriarchatu Aquilegen- si pertinet* , translatio , *usque ad duos annos* , confirmatur , in cives nonnullos *Vene-
tiarum*

tiarum pro certa pecunie quantitate. Ad primos Gregorii Patriarchæ annos litteræ spectant, ad annum scilicet Christi 1255. ipse Gregorii in Aquilejensi Cathedra sedentis quartum.

Positam Aquilejæ officinam, ibique cudi frequentius consuevisse nummos, ratio nulla dubitandi est. Rem apertissime testantur Tabulæ Capite VIII. numero 2. recensitæ, quæ novæ Monetæ examen Aquilejæ factum complectuntur. Vel ea tamen in Civitate, vel in alio Provinciæ loco, pro arbitrio Patriarcharum, collocare officinam debuisse Monetarios, certos nos reddunt ipsæ Tabulæ Nicolai, & Ludovici successoris, quas hætenus pro virili illustravimus. Verba sunt: *Imprimis, quod ipse Franciscus (Bonacquisti de Florentia) debeat facere; seu fieri facere, in Civitate Aquilegiæ, & alibi, ubicumque placuerit dicto Domino Patriarchæ, monetam istiusmodi bonam & puram &c.*

Loca singula curiosius, ac diligentius perquirere, haud ego puto pretium operæ: neque conventionum Tabulas præsto habeo, quas adhibita diligentia ex Archivis eruere non adeo fortasse arduum negotium fuerit. Rimentur illas, & colligant alii. Exstitisse in Civitate Utini Monetariam officinam, nullus dubito: quod
etiam

110 DE NUMMIS PATRIARCH. AQUIL.

etiam Tabulæ confirmant, extremo Dominationis Patriarchalis tempore, sub Ludovico Techio, anno 1413. confectæ. Novæ Monetæ examen exhibent, atque valoris publicam denunciationem. Eas vide, & consule Capite. III. num. 3. Hæc vero satis.

F I N I S.



Corrigenda, & Addenda.

- ag. 15. l. 15. *interventu* *interventum*.
97. l. 4. *sedentis* *sedentis: ac subtus Aquila*.
- l. 14. *Patra* *Patra, vel Patka; vel Patha in sequentibus nummis*.
- l. 18. *Paganus* *Paganus Pa*.
98. l. 18. *Bevirand.* *B. Patriarcha*.
Pata.
- l. 28. *Ludovi.* *Ludovic*.
99. l. 14. *longiora* *longiores & latiores*.
& latiora.
- l. 30. *Sanctus* *Santus*.
101. l. 3. *in typo expressus?* *in typo expressus? Tot ergo instrumenta fuerint ad signandos nummulos adhibita, quot ipsi nummuli? quod est perridiculum. An notæ quædam dici debeant, ex numeris pro genio & arbitrio, ac veluti fortuito adsumptæ, quibus novæ ac variæ, quæ iterabantur, nummulorum fabricæ & impressiones designarentur? Conjecturis indulgere pro libito suo cuique liceat.*
- ag. 103. lin. 29. *quinquagesimatertio* *quinquagesimatertia*.
gesimatertio.







R



7



R



8



9



R



1



R



2



R



3















